

晚晴籟詩匯

第十九册

晚晴彞詩匯卷四十八目錄

馮廷槐 十七首

金德嘉 八首

顧嗣立 八首

孫淦 九首

張泰交 一首

王源 三首

侯方曾 三首

李發甲 五首

李馥 一首

李以齡 二首

李謨 一首

胡奉衡 四首

李國宋 二首

吳旦 一首

藍啟肅 一首

張伯行 二首

樊澤達 一首

許賀來 一首

陳遷鶴 一首

馬之鵬 一首

施何牧 二首

孫勳 一首

吳世杰 二首

汪灝 四首

王企靖 一首

劉梁 一首

顧永年 八首

徐恪 十二首

張篤慶 三首

田霖 八首

張在辛 二首

陳良翰 一首

鍾轅 二首

傅作楫 六首

張文炳 三首

余英 一首

沈季友 四首

晚晴移詩匯卷四十八

徐世昌

馮廷欏字大木德州人康熙壬戌進士官內閣中書有

馮舍人遺詩

詩話大木與趙秋谷同舉於鄉同在館閣以詩相資  
朝士有得諸葛銅鼓者大木與秋谷各賦長歌於時  
名輩自漁洋而下莫不斂手沒後秋谷序其遺詩謂  
標新領異與時消息而神韻冷然古體取法青蓮極  
之昌黎眉山復以餘力爲奇情險語邁古駁今至其  
潛心孤詣雖漁洋田謝諸公知之蓋不能盡而沉泛  
泛者乎漁洋嘗序其晴川集亦云其詞甚

麗能得三百篇及屈宋唐景之曲折者  
朗陵行 鄜城以南數百里廬舍蕭條田野不治訪之  
土人蓋數十年於茲矣夜抵確山感而賦此

荆河惟豫州厥賦實第二汝南天之中亦屬中上地漆絲  
既繁興織絮以時致洎乎井牧荒農民乃多事或爲旱潦  
侵或因兵燹棄阡陌紛錯陳溝洫久廢置朝廷重稼穡特

設牧民吏厚以賜復恩重以荒田議匪惟念民依亦將收  
地利豈知羣有司相視等兒戲荆榛翳邱隴瓦礫羅市肆  
我欲呼流民裹糧千里至相彼高下田畀以耕耘器播穀  
居其始種菽及其次三時課晴雨豈曰非善智惜非勸農  
官懷此終何試

應山道中

荒村籬落樹成圍干疊晴雲屋上飛遠水石梁雙鷺下斜  
陽蕭寺一僧歸雖無腳力尋巖徑尙有心情叩板扉竚立  
沙頭寒栗栗四山空翠溼單衣

雲夢澤有懷太白

南楚大澤七雲夢首江表幽壑生積陰彌望皆宿草日氣  
開鴻濛天風吹浩浩深徑留蛇跡高厓劃鳥爪未覺滄溟

闊轉意彭蠡小尙懷謫仙人逸氣躡雲杪戲弄吳江水過  
此窮幽討遂就許公宿永結兒女好一夕高興發酒酣烏  
帽倒南辭桃花巖東入蓬萊島謁帝三十六致身外臣早  
高風邈難卽短晷催人老羃羃塵網中眾緣紛難了寄訊  
澤中客何處最窅窳未能學飛雲且願依棲鳥

聞田雨來將移新居卻寄

五畝城西宅移家定幾時屋連屯氏水巷接董生祠背郭  
桃花發巾車渡口遲卜居先占此眞與懶相宜

瓦舍三間大蘆藩一帶長几排風字硯簾護鳥文香鬪茗  
消閑晝翻書入睡鄉眞成清淨退宵復問行藏

我亦齊東客游梁興已闌頭方徒自苦舌倦果然難世界  
憑鳩鬧還家學螻蟠十年看爛熟未敢戀閑官

答張鄰仙同年

藉甚張公子新詩逼大家小樓燕市月微雨社城花晏坐  
青鐙暮狂吟烏帽斜夜來題秀句傳唱滿京華

次勞介巖先生移居韻

尺五城南社移家小寺東園花妍似女鄰樹禿如翁齋閣  
秋陽裏帷鐙細雨中時聞佳客過尊酒未曾空  
躡級苔侵屨鉤簾月滿廬淡煙浮茗竈深柳護巾車徑引  
涼陰直窗涵夜氣虛無人閑問字猶自手鈔書  
靜理牀頭帙閑驅屋上塵西風吹戶牖秋色滿城闌名釀  
浮三雅清礎答四鄰憑闌發高唱誰解和陽春

除夜

不下風簾不掩扉頽然醉卧亂書圍總教歲月堂堂去未

許心情種種非薄宦還餘新祿米長貧尙有舊儒衣生涯  
自笑原無累詎係中年悟道機

送楊恭士歸錢塘

潞水黃花發歸舟欲放時薄寒添絮早微雨落帆遲家近  
青衣洞門臨白傅祠看山湖上好遙憶醉題詩

文漪齋中見示新詩

我行四海求朋儕冷絲枯木誰與偕相知還是故鄉客春  
風拂帽過高齋眼明乍見新詩卷縱觀渺渺無津涯太古  
遺音久墜地後之作者淪優俳山鬼嘯風蟲號野正晝兀  
兀疑陰霾就中意思蕭索極偶一嚙咀如枯荻郊島苦寒  
溫李儉是誰倡此爲厲階我欲奮筆指其謬惜以事役無  
好懷髯卿挺起清淵尾詩與淵水爭清佳詞源蓄洩崑崙



窟餘波懸注江河淮冥搜漢魏晉唐宋閱年十度更檀槐  
句道語老功力到如此大筆堪磨崖文士結習世未化憑  
愚護短相睽乖我今懷響溢欲廢牛鐸喜與黃鐘諧一彈  
再鼓有餘韻簷外好鳥鳴啾啾

九日同蕭韓坡田雨來集程二如園亭

一園殘雨菊花秋選勝還成九日遊高樹全遮亭四面小  
山恰在舍東頭紅闌曲沼開新徑白帽單衫上舊樓記得  
昔年豪飲地重來尙喜故人留

竹几松屏六尺牀風簾不捲一亭香窗含暮色成深碧菊  
對衰顏是淺黃莫向杯中問賢聖祇堪碁裏較低昂何人  
秀句爭傳唱二老風流果擅場

與張松友同年

斗笠蒙頭竹杖輕東風吹我上齊城醉投石雁洲邊宿老  
向青牛觀裏行野草漸從官路合春雲恰到縣門晴懸知  
海內張公子尙識人間魯兩生

留別徐電發

去歲狂歌共上都今年結伴到江湖旗亭酒醉徐高士驛  
路金羞陸大夫少喜詩情猶健在卻憐豪氣已全無他時  
君返虹橋去好畫樊山夜宴圖

金德嘉字會公一字豫齋廣濟人康熙壬戌進士改庶

吉士授檢討有居業堂集

詩話會公以會元入詞林典故試貴州後告歸不出漁  
洋贈行詩云破額山前水依然碧玉流吾盧真可愛  
此外復何求名已高三館歸還讀九邱蘋花何處  
采遙送木蘭舟想見高致詩皆和平中正之音

薄暮

形神錄言圖卷四十一  
薄暮何人到喧呼江上村發倉逢謁者圖繪得監門已到  
顛危極猶蘄覆露恩芻蕘如可獻民瘼儘堪論

舒二過飲江齋

鬱鬱園中花鄰鄰水底石秋風吹夕陽照此邂逅客草閣  
步徘徊佳期良不易矯首望青冥眷言懷曩昔悠悠千載  
間寂寥揚子宅俛聽寒螿聲仰視浮雲白清尊琥珀光且  
當共今夕

辰溪縣

臨溪斗大一孤城複嶂曾崖路不平委巷逢人多鳩舌菜  
田極目少牛耕官程空有停驂館詔使曾無負弩迎漠漠  
荒煙豺虎窟天寒日暮客心驚

讀方合山所刻古今釋疑書

萬卷書中老此身樓居歲月豈全貧過江苦憶東京事覽  
古偏傷北望神野外白衣存信史山中汗簡識先民蕭蕭  
暮雨班荆地分手長懷折角巾

合山云先人藏書  
家樓尙有五萬卷

南征寫懷

塵容瘦骨轉江皋夢裏驚心馬首勞無復振衣臨廣武祇  
須痛飲讀離騷衡山採藥神猶往秋水名篇興自豪老向  
丹鉛過歲月肯將姓字沒蓬蒿

望小孤山

滄江湧拳石何山作鼻祖長風萬里浪澎湃自今古飛鳥  
動雲根懸崖垂綫縷其陰疑積雪其陽溜花雨帆景入嵌  
空烝嵐相吞吐三面阻躋攀嶙峋無寸土獨立天使然岌  
岌絕僦伍

丁丑除夕

拮拾瓢中今歲詩  
衡門緩步向江湄  
貧應同谷搜黃獨  
老合商顏拾紫芝  
帶索自成高士傳  
買山誰乞故人資  
焚魚學士書牀在一字  
何曾可救飢

檢山兩堂遺集

結客天涯書卷隨  
名場才老數偏奇  
心勞元結當官牒  
淚盡劉蕡下第詩  
自哂諸艱緣骨相  
人言萬古足襟期  
蠻煙瘴雨腸堪斷  
最是荒郊送子時

顧嗣立字俠君長洲人康熙壬辰進士改庶吉士有秀

野草堂詩集

詩話俠君選元人詩最稱該洽相傳畜成夢古衣冠者甚眾望門而拜發潛闢幽功德無量集中贈竹垞詩有云出其家藏書龍宮炫海寶云此續百家一代事可了蓋竹垞許以藏籍借錄也平生愛客好事一

時名流多通綺紵又豪於酒推爲江左第一在京師亦無敵者詩出入韓蘇才力健舉五七言古體紀游諸作最爲擅場在同時吳門諸老中與潘次耕差相近非摹擬格調者可比

### 申月歌

治平山寺何岩巖湖光吐納山動搖煙中明滅寶帶橋金  
波萬疊風騷騷年年八月十八夜飛廉驅雲落村舍金盆  
出水耀光芒琉璃迸破銀瓶瀉散作明珠千萬顆老兔寒  
蟾景相嚇魚婢蟹奴爭獻奇手舉桂旗吹參差水花雲葉  
橋心布移來海市秋風時吳儂好事邀新客舳艫銜尾排  
南陌紅豆新詞出絳脣粉胸繡臆迴歌席綠娥淋漓拖樓  
倒醒來月在松杉杪

### 哭俞彥月

元代文章付杳冥殘編斷簡聚英靈刪詩同恨江西派紀

事爭看塞北形五夜推敲孤館雨三春談論草堂星知心  
賸有溪南老落月茫茫野史亭

江郎山

晴雲孳絮拖煙嵐一峯筆卓通蔚藍行行漸見畫霧卷雙  
峯倒挂碧玉簪須臾中間復迸破石縫斧劈青光涵蒼翠  
隱隱變紫赤仰視天半峯成三肩輿回脰叫奇絕神物幻  
影人工慚江郎兄弟此學仙仙成化石非虛談巨靈鼠屨  
所不到千年鼎峙齊彭聃往聞行人過此者陰氣晦昧垂  
鬘鬖鳥道峻嶒通虎穴青壁無路難窮探我今浪游出其  
下快靚曉鏡開塵函分如螺黛插畫障合如金碧圍僧龕  
浙東山色已看盡闕嶠游興方沈酣多謝山靈知客意清  
暉半日甯嫌貪忽見山拗雲潑墨怪鳥振影投澄潭霹靂

一聲山鬼泣四山風雨鳴樟楠

四月三度仙霞關

閩海地脈多峯巒萬山爛漫奔中原  
砉然截斷羅刹水四扇突兀開雄關  
琉球日本使絡繹東甌南粵人蹒跚荔支  
末利爭赴市江珧牡礪來輸官一夫當關  
按劍立百萬鐵騎心膽寒唯天設險表萬國  
正器豈許庸夫干我從密嶺上嵒嶮時節  
正屆春光殘樟楠合抱挺百尺白石徧插青  
琅玕幽叢蔭鬱百鳥聚啁啾似懼彈金丸  
山花無名開絕壁一枝冷露零溥溥紅如丹  
砂白如雪黃紫照耀成斑斕竹雞大喚走木  
客野猿上樹千回盤行來絕頂踞關口此  
日恍在蓬萊看金銀宮闕散異彩鞭鸞笞鳳  
聲珊珊俯視原疇平若掌江海一氣雲天寬  
衆峯起伏如怒浪前後左



右皆兒孫劫中陡起一片白黑風颯颯煙瀾漫阿香推車  
響腳底跳珠亂迸黃河翻飛流千丈分百道下注龍井增  
波濶渾渾沌沌震玄窞水石拮隔何時乾僕夫下嶺如健  
犢小羊羊牯同噴岬吳山越水足迹徧未若此境誇雄觀  
盪胸決背渺何許襟懷始笑吾儒酸筆底光芒射六合南  
游好愜平生歡

彌陀灘

船頭水怪奔船後潛蛟吼巨石森我左白波噴我右輕舟  
如飛梭中容一綫溜榜人劃水開勢與雷霆鬪振柁急就  
之聳屬伸頸脰徼然一聲中生死判清晝相傳此驚灘估  
客屢傾覆禪家指迷途蓮花工刻鏤雙柱立中央呼吸金  
石奏回思下灘時雙瞳矚前後相距一髮間避險如避臭

三老猶色變而況僮僕陋南來山水鄉到處堪宿留垂堂  
尙有箴何事建溪走平地波瀾興禍福巧相湊足迹皆宿  
緣平生藉天佑日午惡風恬城近驚魂收且看石上烏浴  
浪正寒嚼

黯淡灘

瘦日搖晶光陰風吹沉瀼舟行黯淡灘頓覺宇宙隘軒然  
大波來巍峩擁山砦橫從互舂撞白浪喧百派初如戰鋒  
交萬馬脫營寨歟若刀槍陳奔竄格鬪敗恨無據水飛那  
得裂皆噲仰恐天柱折俯愁地軸壞伊余偶過此杯中  
一芥驚雷震耳根飛沫溼衣袂踰寄篷窗吁嗟甚矣憊  
半生歷險艱心緒恬不怪富貴實浮雲惟欠詩酒債畏途  
漸坦夷手足去蜂蠆飽噉荔支鮮南行聊一快

望接筇峯

朝游萬年宮暮宿天游觀羣峯繞曲溪一日千萬變縱目  
神飛揚有口那能贊不須秉燭游佳處已得半惟有接筇  
峯青壁蹊徑斷紫翠立礫卓通透光三段昨晚進石門深  
塢斜陽慢望厓不能前頸脰屢顧盼今晨扶筇來露草珠  
璀璨古洞翠毛零葛藤恣延蔓颺颺上樹窺猿狖隔林喚  
忽見道士來笑口指山畔云此通隱屏絕頂有道院簫管  
雲中聞環珮月下見梯級八十一才于跨兩軒梯窮面峭  
壁窳窄凌巧棧蹠蹠一足行鐵索雙手換雞胸行蟻伏龍  
脊妖鼠顛頰臨萬丈潭鏗勺走匹練雖有賁育儔下覷雜  
花眩師徒住此峯往來百千徧雨過躡屐登不翅平地便  
君身長吳鄉邱壑類平衍亮無凌風翼對此空眷眷余聞

道士言驚汗溼衣襟羊腸九折坂王陽尙興歎韓子最姦  
黠遺書華陰縣髮膚敢毀傷淵冰早兢戰茲游雖好奇何  
自取驚惋舉手謝道士我行亦已倦寄語峯頭人白雲好  
娛玩乞我辟穀方金丹煉九轉服食待身輕還來振羽翰

過天章寺

春風曾識舊蘭亭玉雁珠鳧鬼火熒澗水可能尋禊帖山  
禽還是哭冬青龍蛇健筆消灰劫鐘鼓殘聲答地靈白髮  
老僧年八十興亡滿眼不堪聽

孫淦字紫靜號擔峯輝縣籍容城人康熙壬戌進士官

內閣中書有擔峯詩

詩話擔峯爲夏峯徵君孫好游山水應春官試甫畢  
值崔詹事薛林吉祭長白山從之出關欲窮壘巫閭  
松花江之勝途中間中式而不返官京師數年假歸  
遂不出振奇人也集中泰半紀游之作其游黃山及

太行山之九蓮紫團巍諸  
勝並有游記能狀奇致

王門野寺

選樹乘陰坐披襟納遠涼  
葉稠蟬語亂風細棗花香  
村豎探危磬鄰牛過壞牆  
一丸興廢跡轉使古情長  
破寺鑪煙冷空堂石磬閒  
抱泥蜂入戶引子鳥歸山  
家近樵漁識身忙鬢髮斑  
難忘荒碣畔執手故人還

永平府

孤館陽山上平階四望空  
人煙籠海氣射獵帶邊風  
羽沒石無跡山存蕨尚豐  
盧龍還有塞來往渡征鴻

暨巫閭山

營平巨鎮勢龍嵒古柏蕭  
森萬壑風海霧蒼茫連冀  
北雲峯盤折控遼東冰凝  
龍磧飛泉冷香散桃花古  
洞空遲我

來游千百載巉巖依舊氣沈雄

烏喇

遐垓盡處大江橫  
肅慎雄風鎖木城  
蔀屋稠連春岸曲  
轅門俯對夜潮平  
畦麻結網牽魚密  
山艇列松破浪輕  
煙火網緼雞犬靜  
天邊作息總同情

喜晤黃主一因寄梨洲先生

生平心折誰二三  
忠烈後各能慎  
裘箕努力圖不朽  
江村

久銷沈密觀獨株守

名沈心忠  
節季孫

四壁長依人一襟  
不蔽肘

嘉善多賢裔  
兄弟相師友

謂交讓  
臣兄弟

學博品益醇  
言動都

不苟忠介詒謀滅芸齋  
稱無負

名茂蘭忠  
介長子

文孫推救寧

芸齋之子掩關發二酉  
諸子愛我深  
交比古人厚  
勉我振家聲

戒我防世誘  
書來多藥言  
覲面亦苦口  
忠端嗣更賢  
世仰

如秦斗真傳自戴山道源細分割學案藏名山羣言盡培  
塿惜也經世儒抱膝老窗牖孺子面未謀魂夢歸依久主  
一披塵來燕市偶攜手窮愁蚤著書筆墨皆瓊玖繩武才  
稱奇淪落復不偶慙問高堂行年七十九鏡下作細書  
花下酌醇酒碩果天長留好學增眉壽我年近知非家學  
曾何有骨脆染時蹊自顧形骸醜矩矱儼在茲執經許我  
否解組荷書簾會向姚江走寒雪護柴荆洪鐘擬一扣請  
示紹衣方牀下連稽首

黃山雜詩

未覺身行是翠微乍驚嵐氣上人衣下看墜鷲疑無地側  
指崩厓宛似扉路隔翔鸞仙跡杳蘚封卧鼓太音稀最奇  
一笏巔頭石獨瞰空青更不飛

名山刻畫總支離萬態千容到始知高已難窺終愛瘦險  
多不測乃稱奇雲隨變幻無常致松不雷同盡怪枝若結  
茅菴青翠處眞修何必讓安期

九蓮

屐齒摩天鳥道平下方無際轉心驚古巖日背長凝雪深  
塢春遲偶聽鶯雲返危峯千樹暗石沈絕澗萬山鳴訪奇  
側下懸厓坐貪看飛泉不肯行

張泰交字公孚號洎谷陽城人康熙壬戌進士官至浙

江巡撫

陳子端曰公孚詩不多見其去太和詩點蒼石在無船載洱海風狂有岸登非名句耶

襄城七夕

萬里勞三月他鄉七夕天幾聲茅店雨一帶晚村煙興到



酒難覓愁來夜不眠鼓盆余已久烏鵲亦空填

王源字崑繩號或菴大興人康熙甲子舉人

詩話崑繩家世宿衛遭國變移家高郵奉親以居少  
嗜言兵爲文逕瞻秦漢不欲以入家自爾晚乃因剛  
主以師習齋敦習齋白記爲省身錄以自考身心得  
失學乃益進復移家居天津客游淮安遂卒詩不多  
作而沈雄激越勃勃有生氣剛  
主所謂寒丰正采猶可概見

留別黃弼臣

憂向中來豈易寬與君對酌且爲歡憐才自古英雄少得  
意當前我輩難消遣壯懷憑寶劍蹉跎春夢付征鞍還期  
共醉金臺下四野蕭蕭放眼看

呈習齋先生

離迷禾黍向南村慚愧擔簦五柳門十載低顏隨燕雀半  
生孤眼橫乾坤先生石道青雲上今日從游阜帽尊虞夏

高歌人未老無邊風雨正黃昏

藜羹麥飯話情親今古興亡賴有人破屋寒飛宵練影荒  
離遠隔夕陽塵直將文武傳洙泗未許安危係洛闔山勢  
東蟠滄海盡應知燕趙自生申

侯方會字文榮號筠莊杞縣人康熙甲子舉人官內閣

中書有澂志樓詩藁

詩話中州侯氏商邱爲著其在杞縣者亦百年右族  
萬曆間宗度中丞于槍撫山西有惠政從甫昆服其  
會孫免園宜初敬章其元孫筠莊免園子也詩以發  
抒性靈爲主諸弟孝則京會輿述如會亦皆能詩嘉  
慶間其後人哀刻中丞以下二  
十四家爲大梁侯氏詩集以傳

兩中懷敬章叔

木葉何蕭蕭風雨摧殘柳兀坐兩窗前西望頻翹首吾叔  
稱同心骨肉兼好友一旦去秦中形影歎無偶秦中舊帝

州繁華今在否太華及終南奇峯落君手何時賦歸來把酒爲我剖

送馮穎明歸雲間

帶病難成醉驚心是別筵識君才舊歲送客又新年午夜鑪邊火秋颿樹外煙他時重入洛潭北訪漁船

抵家

將近行偏急深秋日易斜停鞭辭去雁抵舍共歸鴉父老盈門問兒童滿院譁半年憑夢到今日信吾家

李發甲字瀛仙河陽人康熙甲子舉人官至湖南巡撫有居易草堂集

獨坐

春草翻青色春水漾綠波瞻彼桃李姿其如蘭蕙何野雲

幻物彩秋風嫋嫋過悠然萬里心良會漫蹉跎有懷濟川  
功令我雙鬢皤

在靈壽作

平生無別懷所志在素履華廡非所榮遑曰羨金紫鶴髮  
垂高堂捧檄聊相喜跋涉赴中山不以折腰恥撫字良非  
輕職守何敢弛晨夕抱如傷每飯憐赤子饑溺良可憂媿  
我官卑耳以此痛肺肝披衣常夜起迂拙非逢時翫讎招  
物訾蒼茫人世閒吾道同敝屣搔首問青天悠悠何所止  
緬古保民人千載垂青史熙熙仁壽風歌頌猶未已兀坐  
契遐心思欲做前軌跬步多棘荆何如樂秋水

薄游

迢遞來京國秋深旅舍寒孤雲依遠岫片月掛層巒林木

窮猿赴鹽車困驥歎夜來思耿耿歸興寄雲端

長安秋懷

肅肅霜風入山雲過戶寒黃花棲腐草陽鳥宿江干世路  
升沈易名途出住難鄉心隨皓月游子滯貧官

登長沙城懷古

雨霽沙汀鶴雀飛憑高眺望對斜暉六朝霸業今何在三  
載民依願已違楚國山川杯底見湘江風景望中歸只看  
太傅懷沙賦無限離情戀舊畿

李馥字汝嘉號鹿山福清人康熙甲子舉人官至浙江

巡撫重宴鹿鳴有鹿山集

詩話康熙間閩中有平遠臺詩社同社四十餘人率  
落拓無所遇獨鹿山起孝廉至開府年臻大耋藏書  
甚富沈確士稱其  
詩多見道之言

過司空表聖墓

古道瞻遺墓，豐碑紀有唐。  
榮華辭黻冕，泉石殉君王。  
詩品卑元相，清風慕首陽。  
如何長樂老，黃髮耐興亡。

李以齡字雪樵，營山人。康熙甲子舉人。官三水知縣。有綏山草堂詩集。

小孤山

片石雲初斷，中流勢轉尊。  
岸分彭澤樹，煙鎖大江門。  
倒影龜鼉伏，摩空日月昏。  
潯陽知不遠，猶此上潮痕。

登岳陽樓

岳陽名勝一樓孤，畫棟朱甍迹久殊。  
山色尙留麋子國，秋聲不斷洞庭湖。  
風吹急浪魚龍冷，雲盡高空雁鴛呼。  
十二芙蓉猶在眼，湘靈鼓瑟聽會無。

李謨字采臣富順人康熙甲子舉人官太康知縣

詩話采臣講學以求放心爲  
要居坐山學者稱坐山先生

梅花落

春風吹明月夜落梅花裏相對兩忘言清香淡如水

胡奉衡字平玉一字平輿五開人康熙甲子舉人官黃  
州教授有藏拙窩詩藁山居吟

山居雜詠

春風吹萬綠卧看隴頭耕盡日無人跡空山有鳥聲巖花  
開自落徑草雜還生伴我惟藤杖炎涼不世情

林處士墓

高塚猶棲處士魂風流名並白蘇存空亭鶴去無年代繞  
墓梅開有子孫徑轉小橋穿石磴波搖清影照芳樽湖山

常是先生主南宋諸陵不可論

黃鶴樓

洞庭西望楚天開鎖鑰雙城亦壯哉水勢青山浮日去

青在下水雁聲大別過江來不聞高閣吹長笛那有新詩寄

落梅爲訪故人勤遠涉臨流遙念濟川才

張學有奉其尊公圖圓先生命

邀予之維揚

寄懷王宓草

伯仲無慚古逸民丈圍況復結芳鄰

王昊廬宗伯解組寓金陵新構丈圍與宓

草兄弟爲筆硯友青鞵布襪江南客同作者英會裏人

李國宋字湯孫興化人康熙甲子舉人有螺隱居集

朝天宮感懷

治城山色帶殘暉絳節中天渺翠微自昔鼎成龍已去只



明詩彙言附卷四十一  
今松老鶴還飛齋宮寂寞聞金磬泉海蒼茫想玉衣唯有  
步虛諸羽士秋風時禮白雲歸

望國山

岳麓銅峯面面分雨中遙望國山雲紫宮祕記金函册青  
嶂殘碑石鼓文虎踞幾年瞻王氣龍驤他日駐新軍九峯  
環繞荆溪水留得司徒半畝墳

吳旦字復旦廣順人康熙甲子舉人有漱石草

晚夏納涼

梧陰已過牆推枕別羲皇樹腳留殘雨山眉媚夕陽私蛙  
登草閣么鳳宿花房野色蒼茫至迎風聞暗香

藍啟肅字恭元號惕庵卽墨人康熙甲子舉人有清貽

居詩集

送郭華野中丞總制湖廣

中旨纔傳出漢宮直教歡喜到兒童如聞元祐徵司馬未  
許東山卧謝公列郡應多投墨綬當朝誰不避青驄澄清  
豈但荆襄路佇見訐謨沃聖衷

張伯行字孝先號敬庵儀封人康熙乙丑進士由中書

官至禮部尙書贈太子太保諡清恪從祀孔廟

詩話清恪講明正學仰瞻程朱出莅疆圻有實惠於  
民鳴禮之獄罪且不測景陵特右之手詔褒其清  
正江南士庶萬口傳誦平生著述數百卷  
詩不多作中州詩鈔僅存二首茲謹錄之

雲

靈山藏雲根郁郁生巖竇直上九天表須臾彌宇宙乘時  
作霖雨遂使嘉禾秀膏澤徧蒼生普世登仁壽不自居其  
功飄然復歸岫

自勉

強仕年逾八居然一老翁白駒愁迅速青簡費研窮寡過  
思遽相勤修義武公遺徵猶未遠努力在人功

樊澤達字昆來宜賓人康熙乙丑進士改庶吉士授編  
修歷官侍讀有敬業堂集

詩話昆來至孝少遇寇奉親避兵負米百里外嘗乘  
筏觸石墮水若聞人呼曰此孝子也掖之出筏猶在  
側仍乘以濟

詩氣格高亮

瞿塘峽口

誰憑霄漢劈青蒼天險由來古戰場八陣風雲連灩澦三  
巴門戶鎖瞿唐烏蠻塞遠江流合白帝城高草木荒峽路  
愁人從此始哀猿嘯處過飛航

許賀來字燕公號秀山石屏人康熙乙丑進士改庶吉

士授檢討歷官侍講有賜硯堂集

送同年俞寧世檢討假歸

鄉心豈爲戀鱸魚一棹秋風返舊廬金馬不留饑曼倩茂  
陵長是病相如渚煙蘿月堪垂釣茗椀棋枰伴著書祇有  
離羣情最苦故交強半在樵漁

陳遷鶴字介石龍巖人康熙乙丑進士改庶吉士授編

修歷官左庶子有韓江詩草

詩話介石通經工古文辭易詩書春秋皆有論著官  
翰林日嘗撰太極太虛論爲李文貞所推重引與辨  
論恆至夜  
分不卷

題榕庵

高人素有山水癖抱樹作堂依先構柯皮垂髻比龍蚪參  
天黛色射星宿南望平疇綠野開炯炯芊芊水滿隈大江

繞郭四十里人煙北轆越王臺四時佳景一盼收最喜春  
和及清秋明蟾曳練碧如畫東風吹拂翠光浮有時煙雨  
淡天半流雲飛噴入高樓亭宇玲瓏分四面氣候溫涼隨  
節變戀巢好鳥不歸山名花別種麗蔥蒨過客聞知園林  
好停車每愛踏芳草主人肴酒相爲將題詠繽紛粲霞藻  
願謂善手寫鞞川一幅嘉陵海內傳攜此東西復南北方  
壺隨侍左右側名園未識景何如請君披卷看翰墨

馬之鵬字文淵蒲圻人康熙乙丑進士官戶科給事中

除夕得廬字

臘雪初消歲已除鑪灰徐撥定更餘親闌此夜思游子客  
路經冬阻尺書卷軸隨身成故友乾坤何處是吾廬添年  
便惜年華減飲罷屠蘇轉歎歎

施何牧字贊虞崇明人康熙乙丑進士歷官吏部員外  
郎有一山存集

曉發泰安

客心曉逐五更雞馬首東南月未西峯逼天街星影動岸  
崩河曲水聲迷棗花浥露垂荒井麥穗臨風壓大隄書劍  
飄零今五十不如歸釣老磻溪

茶蘼歎

茶蘼枝亞牽成屋茶蘼花滿香浮谷南鄰西鄰招不來風  
落殘花驚簌簌蘋藻春芹竟川綠

孫勳字子未一字子未號莪山又號誠齋德州人康熙  
乙丑進士改庶吉士歷官通政司參議有鶴侶齋詩  
漁洋先生過謝公村贈方山比部次韻

蒼涼九龍口寂歷謝公村春水空浮岸風帆不到門誰令  
問津客閒訪武陵源相見頭俱白心期那復論

吳世杰字萬子高郵人康熙乙丑進士官內閣中書有

暨湖草堂近集

詩話萬子有經世之志值甲寅寇亂遠近婦女被俘掠出金贖之復贖賞四援保全甚眾里居屢遭大水設法埋塞買舟以救上書當路請振免役條列河漕十數事皆見施行詩亦卓犖不羣足規蘊抱

望嶧山

大陸風沙靜層巖到眼中我來看落日何處問孤桐雲路  
邀黃鶴天根駕紫虹哲人真在望佳氣自巖崑

荏平懷古

晉水真龍蚪髯紫天策羣公攀鱗起咄嗟馬生出草間短  
布單衣見天子祕畫英謀上帝側殿上非常動顏色伍羞

褒鄂失魏王嶽崎厯落人爭識我來君里一徘徊雄姿倜儻絕塵埃故宅蕭條青蔓合荒祠闕寂野煙開英風萬古情何極如君豈合終草澤驥尾偶附入青雲羊角終能搏紫翮憑君弔古莫歎猷丈夫騰上會有時此亦當年一布衣

汪灝字文漪號天泉臨清人康熙乙丑進士改庶吉士

授編修官至河南巡撫有倚雲閣集

詩話天泉以待讀視學山右清節著聞景陵西巡  
擢內閣學士視學關中尋擢撫汴告歸詩宗漁洋安  
密

黃金篇

神龍乘雲雨利澤始及人壯士有黃金顏色乃得伸郭穴  
安足慕結念在所親冰雪閉雙扉飢寒扣凌晨入座下聲



形明卷言 四十一  
氣辭出難重陳不待言覩縷已知情苦辛安得探牀頭持  
贈無途巡一笑送客去獨坐怡心神

送侍講李漁村前輩改官歸里

瀛海曾收百丈濤浮雲又見萬峯高久拌圭組同雞肋豈  
有功名識馬曹玉署自難留永叔青山未解負張褒仲宣  
近許論詩律縹緲雲門別夢勞

灞橋

長樂坡上秋風清銷魂橋畔班馬鳴顏梁敲柱虹斷續沙  
磧隰畔水縱橫離人酒照楊柳淚騷客鞭敲風雪情無花  
古樹不復見傷心春草年年生

憶奉符開山寺

最愛開山寺閒庭半老梅隔峯通水響對酒及花開樵路

入雲去經聲過竹來風塵十載夢蝴蝶幾飛迴

王企靖字苾遠雄縣人康熙乙丑進士官至江西巡撫

詩話苾遠嘗選刻郭快圃揚猶龍龐霽公紀臚庵四家詩行世皆畿輔詩人在師友間者歷官中外甚著

風績

寄懷李西居

家近毛公里人推太白才鳳毛騰相府駿價重燕臺逸致  
善連架閒情酒滿杯天涯雲樹隔兩地共徘徊

劉棨字弢子號青岑諸城人康熙乙丑進士由知縣歷

官四川布政使

詩話青岑宰長沙牧甯羌守平陽所至皆有政聲  
聖祖深賞之湖北巡撫缺官廷臣以青岑薦時四川  
方有兵事謂未可輕  
徙不久即卒於官

生孫

休怪年來白髮新，添丁湯餅會頻頻。  
掌紋差喜堪繩祖，食指添繁漸累人。  
我以江山經歲月，兒從襁褓走風塵。  
何時共聚枌榆社，繞膝含飴樂是真。

顧永年字九恆，號桐村，錢塘人。康熙乙丑進士，官甘肅。

華亭知縣有梅東草堂詩。

詩話：桐村作宰西陲，坐事戍奉天師，征噶爾丹，遣其子輸粟軍前，乃得釋還。詩多行役之作。

送洪昉思之大梁

津亭握手共離觴，匹馬長征犯曉霜。  
衰草連天風颯颯，凍雲垂野日荒荒。  
頻年作客彫雙鬢，到處題詩挂一囊。  
歲晚兔園霏雪滿，多才司馬正游梁。

偶作

頭童齒豁髮星星，一路陽關不忍聽。  
終是餘生蒙雨露，幾

會天意任雷霆桂蠹到老猶含辣蒲柳先秋恐易零見說  
鄰翁真好學雪深三尺尙窮經

曾罹鉤黨白書名國士知深一死輕有罪敢逃猶苟活受  
恩不報總虛生山妻椎髻親晨突病僕扶犁事早耕相勸  
閤門勤力作含哺鼓腹樂昇平

誅求豈必盡吹毛名教如何置我曹一死許人忘母在九  
重無路覺天高絲絲愁緒成機杼鹿鹿心頭似桔槔未是  
此身沈宦海夢魂久已怯風濤

次兒棟代運北征

天子方自將臨邊極西域一揮百萬師滅此而朝食轉餉  
出關中士不苦飢色我沐浴蕩恩願竭疆場力馬革可裹  
尸行行何所怵忽聞先慈訃一慟氣欲塞四體輒如綿性

命在呼吸官符火速催同伴相促逼有兒立身旁垂頭但  
哭泣長跪前致詞此行是兒職巾幗且從軍鬚眉甯弗及  
結束棄儒冠弓刀親自執躍馬去無蹤路旁心惻惻望眼  
遠莫窮吞聲獨歸宅

生兒廿歲餘教養無一善既失阿母歡父亦罕見面寒不  
曾暖衣飢不曾飽飯雖負讀書名誰與給筆硯所生尙如  
此何況疎與遠兒命本來窮父又遭謫謹徒步出長城三  
載忘其倦方喜共生還誰料復征戰禾黍或不登蕘稗時  
亦薦乃知秋實成不在種貴賤

一齡父見背無知人所憐如何白頭子有母抱終天六旬  
願復恩盡付東流川堂虛不敢登衣做不敢牽苟知母已  
死思歸亦徒然哀哉欲重見非夢卽黃泉養兒空令老何

如早棄捐棟也代父行匹馬走燕然忘軀冒矢石一往更無前慚愧我爲子反不如汝賢

我居遼東西三月冰尙涸況涉漠北庭草木萌未吐千里擁流沙馬嘶不敢渡朔風晝悲號黃塵蔽欲暮所仗童僕親苦與樂相顧小心事長官莫更逢其怒汝當少壯年風霜非所慮所慮情性疎未必諳世故出門盡荆榛有罪孰肯恕豈乏老成人藥石語無誤志不圖封侯圖此骨肉聚安得柴桑翁歸來及早賦

徐恪字昔民一字息溟江陰人康熙丙寅拔貢官羅城

知縣有九鑪山人集

詩話李申者輯江陰詩人爲江干香草集國朝推昔民及李介立寄沙定峯一贈曹峴禾翁壽堂照張半園元昇朱畫亭齋數家可稱作者評昔民詩曰妓而婉又曰茂美卓然成家昔民初官棗強令值軍興

不忍累民虧帑親老求去官不得有句云補亡束哲  
常涖淚負債黃姑尚隱憂負米奉親千里隔貽書訓  
子一經荒又云策異賈生同痛  
哭辭非陶令責歸來意甚深婉

謁方景二公祠

蒼松吼靈雨白日搖孤光宗臣儼像設肅拜趨祠堂成王  
周公辨大義聲雷硨精誠動星象袍笏飛秋霜當時棄朽  
骨匿跡埋山岡後來公是非何曾恕文皇年號創建文瓜  
蔓屠忠良一死明大義萬古扶綱常鐘山石馬蹲孝陵寢  
殿荒雲旂肅奔扈千載遙相望

桃葉曲

春水木蘭舟春風桃葉渡嬌鶯自在嘸雙槳橫塘去橫塘  
遶山斜一徑采山花門前舊湖水還對莫愁家三月桃李  
飛四月蘼蕪歇五月南風來溪頭長蓮葉蓮長過人頭折

來寄西洲西洲望不見煙雨空江樓樓前雨如絲樓上煙  
凝黛日暮瑣窗寒風吹雙縷帶雙帶結同心江深情更深  
相思不相見獨自理瑤琴瑤琴復何許憶得橫塘語郎從  
蓮葉翻儂比蓮心苦千里下關山不將書報還夢中金錯  
翦擊碎雙鴛環殷勤再三道西風寒料峭只恨柳絲輕莫  
遣桃花笑昨夜佇回車葱隴聞井鴉那知風雨隔望斷長  
風沙

善卷洞

水波搖風林秋山木葉脫何年五丁斧劈此靈異跡幽泉  
聞笙鏞怪石動精魄嶽巖上下坂俄頃異忻成摩厓三四  
字窈窕飛青壁仙靈有遺蹤髣髴留虛白濯纓松濤下清  
颺澹寒日冥搜已忘形心與太古接



題崑崙山樵傳後

清江下海門火石轟干丈南有叢桂芳下隱猶溪橡山人  
眷歸卧手把青藜杖蹉跎中興策惆悵凌雲想空山號鶴  
鷗寒室走夔罔著書高等身談笑時抵掌空同崑崙巔長  
漱爲神往浮雲太華屐流水淞江槩遺淚灑雙峯乾坤劃  
迴莽

送赤石山人還山

張子獨行儒亮節遭世棄平生少壯懷蹉跎鬢髮頽黃鶴  
摩蒼天千里一鼓翅高鴻飛冥冥不羨隨陽計云胡附雞  
鶩踟躕泥滓內去去南山南松濤寫蒼翠攜家就樵牧妻  
子相嫵媚長歌紫芝曲永負青雲器揮手謝朋儕君平亦  
棄世

君意乃浩然臨風一長嘯集苑與集枯性情豈殊好世人  
貴苟得褰裳見嘲詼頗覺村野便欣然侶漁釣內顧疏頑  
姿未具肉食貌安命聖所先亦匪慕高蹈白雲深遠林青  
山滿歸權入門對尊酒弟兄自酬導努力成榮名柴桑有  
同調

古出塞曲

烽煙照上京飲馬出長城劍舞龍文合旗張虎翼橫行營  
留贊畫屬國助軍聲借問陰山北曾知燕領生

復林至

昔與高仲武孤蹤相往來人推江表俊曲和郢中哀吾道  
存韜勒斯文撥草萊三年重握手蓬藿一時開

東江訪介巖宿山館

白石餘牛飯秋雲卸馬鞍門臨滄海大人倚暮江寒老眼  
當花妥枯腸笑墨乾獨留千載意來諗讀經壇

金陵秋感

曲磴疎陰覆綠池諸公裙屐盛南皮文章海內存壇坫風  
雨秋來感歲時紅燭花殘清夜酒綠蕪霜落故園枝明朝  
獨對江天樹長獻西風倒接籬

眞定寓居

平明譙鼓敞樓臺塢上高城四望開烏白不隨燕客去山  
青都自太行來全枯卧柳生苔蘚半卷擎荷泥酒杯北走  
邯鄲誰指示一闌風露滿蒿萊

全州道中

暖日晴雲撥酒醅春風一半委蒿萊江流獨上暮灘急野

戍無人山雨來絕壁路窮登不得連峯勢合到還開愁心  
只有青猿叫鏡裏霜痕兩鬢堆

張篤慶字厯友號厚齋溜川人康熙丙寅拔貢有崑崙

### 山房集

詩話厚齋淹博華瞻千言立就歌行尤擅揚猶有空  
同大復家法與漁洋相善漁洋青谿張麗華祠劍州  
鄧艾廟諸詩厚齋皆有和作漁洋玉稱之以爲一滴  
水可知大海味薦鴟博辭不就築室崑崙山下杜門  
著書以終

邢太保 玠 征倭所賜上方劍歌

征倭復征倭上將威已削屬國乞皇靈出師賦六月接遼  
二十四將軍苟誦樓船未策勳倭奴十萬陸梁甚薩水迴  
戈崩陣雲何人謬作求成計臨淮小侯下天際紫泥封拜  
功不成節旄辱國翻爲戾太保登壇大出兵黃扉授鉞定

專征羽林健兒三十萬黏蟬平壤紛縱赫赫天威自相  
假驃騎將軍大司馬玉鈇神光領尙方星交照耀從天下  
期淨么麼溟海濱誰知小醜肆塵氛終然劔刃旬驪地敗  
績仍將露布聞賜劍英鋒更何在那堪大旆歸東海雙龍  
慚愧返延津湛盧赤土韜光彩朗詠詩人寶劍篇豐城非  
復斗牛邊竭來雷煥久已死留與吾家張茂先其遺裔于  
荒歲售于  
余叔氏白  
火道人匣中隱隱白虹滅黯黜無靈三尺鐵莫將神物  
遺子孫厯涼冬殺悲金玦

野人

野人疏懶慣門巷廢將迎驟雨溪聲近新晴樹色明牛羊  
識村路雞犬傍柴荆除卻催租吏尋常莫浪驚

大梁城東南弔信陵君墓

邯鄲應與賦同袍公子翩翩氣自豪  
不少衣冠歸趙勝誰將金甲走蒙騫  
大梁上客揮孤劍卧內兵符勝六韜  
今日九京良可作愧無杯酒奠蓬蒿

田康字子益號樂園德州人康熙丙寅拔貢官堂邑教

諭有鬲津草堂詩

詩話樂園與兩兄山薑侍郎鹿關編修齊名漁洋爲序其集謂於表聖詩品中兼冲淡自然清奇三境七言絕句尤擅勝場所居地曰竹竿巷築數椽亭編籬爲垣榜於門曰香城以是亦稱香城先生好藝菊又號菊隱里人爭從分種栽蒔樂園菊花絕句其首篇云陵州多菊由吾始同好新添數十家誰謂潛夫無妙用能移風尙到黃花

送蕭侍讀韓坡游嵩山

先生心久閒忽作山水想千里嵩陽寺探討成孤往路經少室下目極嶽色上古意顯然宅枕煙足偃仰投壺跡可

尋傳會恐亦罔不妨曳杖至聊復資奇賞昔聞王子喬吹  
笙遂絕響興盡君歸時記游可指掌

蘇門山

凡城達百門相隔僅數里容子犯曉來溶溶白雲起曲徑  
榮竹木亂壑喧風水精藍可留矚名園任徙倚因過崇臺  
下憶昔長嘯子彈琴寄絕調讀易探奧旨歛發鸞鳳音渺  
渺清人耳客如嵇阮輩或能悟妙理慚余無仙骨安得私  
竊比徜徉山谷間掬流還漱齒

鼓山看雲

犯曉登雲頂日午僅陟半不知幾多高上爲雲所幔復窮  
千百級忽已凌霄漢孳絮立岑椒裏綿坐石畔開口竟可  
吞入手弗容翫袖歸擬贈客衣解隨風散

春日雜詩

柴門絕造請俯仰愛吾真樵帖存奇字攤書識異人垂簾  
香穗直脫帽酒痕新斜日石欄曲春駒亦自馴

濟源段園

闕地東郊外開門枋口邊山從王屋起水與孟門連處士  
名猶在司空園正傳因懷玉川子對月誦遺篇

厯下亭

階下芰荷香正濃竹邊小榭水雲封鈎簾差怪嵐光遠欲  
向華山借一峯

宏濟寺

初入長干第一關果然幽境出塵寰西風黃葉南朝寺前  
面長江後面山



立春前一日同張幼渠出游冒雪迴車路遇宋清遠

留飲

淡淡春雲氣漸和今朝結伴過城阿小車共坐張平子大  
第還經馬伏波路轉旗亭思畫壁雪埋官舫欲平河歸途  
恰遇同年友抖擻寒花倒叵羅

張在辛字卯君號柏庭安邱人康熙丙寅拔貢官觀城  
教諭有隱厚堂遺詩

奉別丁家鴻陸羽

翩翩年少氣如雲馳驟詞壇姓字芬自古文人皆記室由  
來彩筆屬參軍遠方謀食長思母作客辭家尙戀羣珍重  
河梁頻執手登車前路莫逡巡

寄新城王扶九

明湖霽色憶蒹葭  
南北雙橋看峭華  
正好重邀秋柳社  
中原文獻在君家

陳良翰字季宣  
處雲人康熙丙寅拔貢

送王方鄴歸里

燕市相逢玉露寒  
梁園千里共征鞍  
六朝門第推江左  
七子才名盛建安  
霜雪關河經歲暮  
鶯花風雨又春殘  
登樓賦就先歸去  
樽酒離亭欲別難

鍾轅字聖輿  
歷城人康熙丙寅拔貢  
有蒙木集

詩話吉水鍾女子性樸順治中官山東提學道副使  
有廉聲聖輿其子也占籍歷城游京師賦豐臺芍藥  
詩四章清麗芊綿一時傳誦  
鍾轅稱其似西崑三十六體

送王思遠之任唐山

詩人年少便爲郎  
嶮巖花封百里長  
聽事晝閒雙鶴唳  
印

卽年集言四卷之一  
三  
牀春暝七絃張前途村落隨車兩回首京華選佛場他日  
若旋驄馬轡朝班爭看小漁洋

暮春書事兼懷義俶子青諸昆季

輓塵十丈柳青青紫陌流鶯三度聽客久奚奴曾負氣夢  
歸鄉井轉愁醒楊花似雪娥江水蓮葉如錢歷下亭爲問  
楓香兄弟輩鳴囊蠟屐幾回經

傅作楫字濟庵奉節人康熙丁卯舉人歷官左副都御

史有雪堂燕山遼海西征南征諸集

詩話濟庵由廣文作宰良鄉以廉能著及官臺諫亦  
有直聲王午典浙關所得多知名士章藻功其一也  
詩以高健雄渾勝李雨村謂如老將臨戎步伐森嚴  
不事攻戰而氣自奪人近體高朗諸適尤擅勝場

別意

妾夢隨明月因君到海東君今西出塞月又照陞峒別意

良難薄此行當自雄但留明月在不敢怨飛蓬

秋雲

久客悲秋常病卧今年初起見秋雲翻將北海魚龍氣變  
出南山虎豹文晚樹陰從天外合寒江色向雨中分五陵  
衣馬情如許舊說荒唐不可聞

塞上曲

雁度金河水風生玉塞秋誤人成白首還說未封侯

西陵

悵望平原思不勝可憐南渡竟無憑秋深搖落冬青冷煙  
雨蕭蕭泣六陵

夕陽古道草萋萋十里荒煙望欲迷惆悵年年寒食節越  
王臺上鷓鴣啼

雪中解衣贈友人子

失路王孫賣寶刀，西風滾滾雪如毛。  
別君萬里無相贈，親解牛絨罩甲袍。

張文炳字質夫號南麓湘潭人康熙丁卯舉人官文登

知縣有鄰嶽堂集

詩話南麓先世家襄陽其世父佐何文烈治軍文烈殉國爲藁葬湘潭並爲守墓無子以南麓爲後改籍湘潭湘潭人目爲新張南麓工詩王秋史以質漁洋漁洋許爲耕宋入唐頗相推挹

棗林閘喜漲同蕭見龍廖于衡詹凱三邱碧上羅鄴

先廖浴芳作

運渠漲急防初罷，舸艚日午乘流下。  
柳青舊染新築隄，水白大湖小湖汊。  
覆茅夾竹聚人煙，生平識水不識田。  
闌風伏雨長宿莽，沙鷗散盡鷓鴣喧。  
二月三月魚族繁，沈網一

擊湖水渾小兒跣足攜魚賣小女盪舟還入村我來貰魚  
更沽酒拂船趺坐酌大斗耳熱烏烏歌在口輕肥眼底亦  
何有三日百里苦淹纏開口一板數十錢仰天大笑謝閭  
吏吾徒出處煩公輩

湖口

岸遠地無勢風長水有聲乾坤湖一角歲月客孤征彭蠡  
望難及匡廬夢欲成我生青草客飄泊念斯名

方廣寺

相傳西僧梁海住此有五龍聽  
經以鉢送潭下又洗衲石鑄字

何年尊者闢荒榛瓣瓣蓮峯入望清洗衲石從溪下湧聞  
經龍向鉢中行千門丹碧繁僧海一壑青蔥擁化城安得  
西來人再現蒲團爲我話無生

余英字就園邵陽人康熙丁卯武舉

度梅嶺

磴道參差樹杪懸，籃輿曲折破蒼煙。東分海上千重嶺，北盡雲中萬里天。丞相祠堂仍俎豆，將軍名姓紀山川。祇今嶺上梅花少，折贈無勞驛使傳。

沈季友字客子，號南疑，平湖人。康熙丁卯副貢，有學古

堂詩集

沈歸愚日客子詩五言古詩峻遙深追蹤騫阮歌行曲折頓挫變化百出沈鬱者近少陵超逸者近太白東坡近體清音逸韻追琢功深最近大歷十子

一松二槐歌過刺藤園作

翠龍怒飛食雲氣，橫眠斜挂直到地。一夜孤吟吼風瀑，頓使山亭有秋意。霜皮鐵幹幾十圍，生時歲月那能記。五粒新香飼白鸞，一枝古雪纏紅荔。旁有兩樹青夾街，盤盤雙

綰鬱不開兔目鼠耳如覆壺鼓柯振翼涼颺來續紛翠架  
留夜月錯落錦石鋪春臺有此一松二槐散晴綠十日坐  
卧頗不俗令人愛殺刺蘼園曲逕間扉成小築興來長嘯  
弄酒船毛髮森森爽兩目昭王臺下飄零人博得狂歌意  
良足

渡江

恨殺長江水東流送六朝春風吹遠客一葉下金焦親舍  
迷青雀功名做黑貂英雄千古恨落日打歸潮

西林哭過滄谷

消渴文園客淒然歎陸沈十年貧入骨一別死驚心弔鶴  
人情淺焚香佛火深我來君不見風笛在西林

送陸稼書之任靈壽



憂國無奇士何爲去紫宸非歟寧我道清矣獨斯人亭暗  
花分酒山寒雪裹輪直須三輔地爭重講堂春

晚晴後詩匯卷四十八終

晚晴移詩匯卷四十九目錄

湯石曾 十三首

梁佩蘭 十三首

沈廷文 一首

錢以塏 六首

彭始搏 一首

查昇 二首

孫致彌 三首

沈宗敬 一首

竇克勤 二首

陳大章 三首

史申義 五首

吳暉 七首

丁棠發 一首

高玠 一首

唐孫華 二首

董思凝 三首

蔡秉公 二首

馮壘 九首

陶自悅 八首

陶元淳 三首

趙俞 三首

沈佳 三首

陸寅 二首

李璩 三首

陳遇夫 五首

李永昇 一首

陳載華 一首

楊名時 三首

陳鵬年 十八首

黃叔琳 一首

景日珍 二首

閻錫爵 三首

張曾慶 一首

陳汝咸 一首

胡潤 四首

冉覲祖 三首

張瑗 一首

惠周揚 十三首

閻詠 三首

談經正 二首

張增 二首

晚晴移詩匯卷四十九

徐世昌

湯右曾字西厓仁和人康熙戊辰進士改庶吉士授編  
修官至吏部右侍郎兼翰林院掌院學士有懷清堂

集

詩話西厓少以能詩見賞於漁洋其氣體亦頗近似  
黃崑圃序謂其得宇宙之清氣洽有天際真人想  
非過論也嘗應制賦文官果詩景陵和其韻  
有茸香密葉待詩公之句舉朝傳誦以爲榮遇

曉游朝陽巖

言尋朝陽巖煙日初弄影清暉媚幽姿散步得妙領連娟  
浮巖粵遠目試一騁俯瞰瀟水流含漪渺千頃探竒下幽  
窟潛蛟舞浪井虛徐清風來蕭灑俗緣屏林梢法華寺斷  
夢淒以冷清音非絃匏吟嘯坐日永

磨崖碑

此碑在音圖之四十一

青驪蜀棧真危哉西下逝水甯東迴移軍六合卷清霽中  
興大業由天開衡山山人謁靈武魚水道合無睽乖桓桓  
忠勇李與郭手執枹鼓如霆雷姦兇滿盈神鬼怒將相和  
協功名偕金妃木母火當殪封屠家禍誰胚胎二京收復  
凱歌入父老泣下長安街煙花紫禁列冠冕龍車鶴駕青  
春回艱難秦越共肝膽安樂骨肉相嫌猜飛龍小兒竊國  
柄表裏宮掖亂所階長慶樓空夾城閉玉房朱戶生青苔  
淒涼西內情尙爾摘瓜況自歌黃臺漫郎攜辭意深痛滔  
翁弔古留餘哀春秋史法非頌體石湖晚出空譏排平生  
兩眼熟拓本愛此片石江山隈蓬州垂老嗟遠竄歲久妙  
墨重摩揩攝衣拾級歷千尺孤亭下瞰雲濤堆撫時感舊

增歎息嘯猿落月同徘徊

湘山寺

花雨飄寶幢微風韻塔鈴馴鴿上齋鉢老僧閒誦經客子  
入門來佛燈晚熒熒被徑蔓蘿葛聞香啟幽局法界優曇  
華三歲始一零寺有千日蓮三年一開落廊深苔蘚古地僻草木靈緬  
惟咸通來日月如奔霆頽然金粟老彷彿長眉青

林喧鳥知曙鐘殷寺初曉踏石穿煙霏屈曲羅翠篠暗泉  
尋石罅海眼逗雲表湘流去透迤青山明鏡繞雲重巖岫  
複水遠鳧鷗小平生慕躋攀志與禽向矯香門昨夜夢一  
去墜縹緲悵焉解纜行飛鞚尙林杪

陳昇庵招游蘇門百泉

五更月墜天西南殘星耿耿配兩三出門風輕馬蹶快衣

上一帶侵山嵐蘇門縣前解鈴馱困思小憩投茅庵賢侯  
東海我好友勸我劫姑留驂臺符吏牘劇衡石一笑不  
問先幽探西門七里林谷繞斜日半嶺煙雲含涓漣已到  
百泉上清暉傑閣凭耽耽水妃何年此微步明珠錯落遺  
風潭千鬢萬髻作顏色太行倒插綠玉簪清冷忽聽響琴  
筑駛激更不容螺蚌吾徒解衣聊快意健筆往往兼雄談  
昔者東游過趵突與此清泚同所媿水晶盤中瀉冰雪一  
勺便瘦吾猶甘水性悍急飲之輒瘦居人於十里外方汲桃竹園西得微路下  
者捫壁高乘籃青山久無俗士駕白石尚有仙人函嘯臺  
鸞鳳杳何處遺訣或者留彭聃重游後會誰與必歸路欲  
覓觴酒酣環山三匝夢應熟瞥眼一過心常貪便捷休爭  
百足蚊纏裹莫作三眠蠶人生婚嫁有時畢便合夜雨同

冥參

橫江

紅樓白舫家家好翠壁丹崖面面稠佳處眞思市門隱生  
來愛作賈胡留三江雨氣連沅口九疊山光望靖州柱史  
亭前懷古客西風荆棘野塘秋

發益陽

行艫將安窮南溟阻瀾汗交流匯沅澧川路俄已半風波  
話辛勤寢興錯昏且蕭條意不愜淒厲歲云晏伊余初祇  
役茗華正堪玩百卉今已腓奄忽衣裘換蒹葭天水永鳧  
鷺汀洲亂落日長沙人微風洞庭岸遙岑眇欲盡近慮澹  
已散鼓枻聊一吟悟賞非情歎

黃陵廟



初日黃陵廟微茫楚塞分煙中塵漠漠祠下水沄沄叢冷  
葳蕤竹湖荒散漫雲何人酌椒醕寂寞醉湘君

泊長沙西門追念舊游有感

玉礫金沙儼畫圖水清了了見樗蒲湖南賓客今顛顛暮  
雨湘西聽鷓鴣

百泉蘇氏小樓

垂柳垂楊綠可憐一泓春水細生煙小樓光景常如畫獨  
客心情只似禪紅藥喜霑三月雨青山長憶百門泉此身  
婚嫁行將了或恐巖棲有舊緣

中秋甯遠道中

雲帆粳稻存遺島謂覺華野戍烽煙斷古城出塞始知山遠  
大入秋彌覺海澄清樓臺何處蛟龍氣風雨空中草木聲

誰遣琵琶弄明月醉餘添得放歌行

送履公往住香山寺

此心宿火撥寒灰旒動鈴鳴日幾回雪裏依然吳會別  
兩冬訪師半塘寺留止旬日夢中曾自洛陽來任飛白鶴先提錫欲飯青  
猿已築臺師到諸天合歡喜百千萬億閣門開

上十八灘

星隕如雨不在天化爲怪石滄江邊章川貢川不知數搏  
沙撒菽誰使然一灘復一灘一灣復一灣南來贛石三百  
里恍在蠶風蠻雨間參錯列齒齒屈曲鳴潺潺爭流噴薄  
冰雪湧四面迴合巖巒環愛此萬古立積鐵濤波出沒堅  
且頑有時娟娟弄秀色髣髴明鏡橫煙鬟旣廉以劍神所  
剗不夷而險天真怪峭瀆撇漩敢輕上長年最能用功艱

我昨青洲過落瀨白雨飛灑衣裳斑打鼓發船百丈牽中  
流弱纜斷蒯管吾生微命如戲耳魚龍底用藏神姦明朝  
飛榜上天柱沽酒一笑開心顏苦樂更迭無不便江鷗沙  
鷺爾許閒他時放溜小艇子看我倚權乘風還虔州福地  
昔所傳道人天眼開禪關奇峯翠巖疑可待與猿狖相  
追攀花開四照天女蓮居士之竹密不刪不須更載鬱林  
石卽此便買愚公山

梁佩蘭字芝五號藥亭南海人康熙戊辰進士改庶吉

士有六瑩堂集

詩話藥亭領順治丁酉解首一時稱名元及成進士  
年已六十餘入詞館未一歲即乞假歸詩如長江大  
河一瀉千里極瓌奇蒼莽之勝與王說作友善集中  
酬唱甚多說作子蒲衣編嶺南三大家詩以藥亭爲  
首

寄懷屈翁山客雁門

春日鳴倉庚北雁整歸翮故人在關外三載猶作客平生  
論王霸中具膽與識邊地多苦寒欲以鍊筋骨側聞聘秦  
女筐篚列圭璧好色而不淫國風重有德所慮柔媚腸恩  
愛漸相易一旦時勢來功業不得力天南隔萬里久矣無  
消息老親望門閨幼妹事締綵願言稅歸鞅省覲聊促膝  
和風暝萱草皎月理琴瑟

乘螭游不周垠塢騁八荒在昔爲靈均君也今頽頽入秦  
紀山川蔥鬱懷帝王想見登太華天風吹衣裳三峯墜黃  
河日月背後行瞻禮白帝宮賦詩一百章英聲流琴笙古  
色當琥璜引手接天河眾星隨低昂遙望赫連臺雲氣如  
牛羊矯首至再三枉矢飛天狼感慨亦何爲宇宙原秣穡

養馬行

賢王愛馬如愛人人與馬並分王仁王樂養馬忘苦辛供  
給王馬王之民馬日齧水草百斤大麥小麥十斗勻小豆  
大豆驛遞頻馬夜齧豆仍數巡馬肥王喜王不嗔馬瘠王  
怒王朴人東山教場地廣闊築廄養馬凡千羣北城馬廄  
先鬼墳馬廄養馬王官軍城南馬廄近大海馬愛飲水海  
水清西關馬廄在城下城下放馬馬散行城下空地多草  
生馬頭食草馬尾橫王諭養馬要得馬性情馬來自邊塞  
馬不輕人有齒馬服以上刑白馬王絡以珠勒黑馬王絡  
以紫纓紫騮馬以桃花名斑馬綴玉纜紅馬綴金鈴王日  
數馬點養馬丁一馬不見王心不甯百姓乞爲王馬王不  
應

日本刀歌

市中寶刀五尺許市中賈人向予語紅毛鬼子來大洋此  
刀得自日本王使紅毛預齋戒三日授刀向刀拜龍形  
虎氣生氣驕抽出天上星搖搖黃蛇之珠嵌刀首百寶刀  
環未曾有有時黑夜白照人殺人血漬紫繡新陰晴不定  
刀氣色風雷閃怪吼牆壁相傳國王初鑄時金生火剋合  
日期鑄成魑魅魍魎伏通國髑髏作人哭人頭落地飛紙  
輕水光在水鋪欲平國王恃刀好戰伐把刀一指震一國  
紅毛得刀來廣州大船經過海若愁攜出市中人不識價  
取千金售不得我聞此言空歎呼兵者凶器胡爲乎中國  
之寶不在刀請以此刀歸紅毛

題張穆之畫獼猴挂藤圖歌

張公少年好畫馬用筆不在韓幹下畫鷹或作烏尾詭一時好事傳宣和此幅獼猴更希有我驚見之不離手深山古崖霜氣嚴石壁洗出峯稜尖枯樹蕭蕭古藤冑藤絲墜處風吹亂二猴連臂學挂藤一猴挽藤身精能迴頭側面紛相向性情總在藤絲上疑是巴南峽口來吟時莫遣騷人哀又疑逼近黃陵廟斑竹琮琤鷓鴣叫我爲作歌稱神奇真宰所造人能之張公答云安用此此曹跳躑聊爲爾

贈汪茗文民部

垂楊葉老鶯亂飛牡丹花盡黃蜂稀桑乾河水長三尺渡頭舟子催人歸我獨臨時歸不得搔首看天判南北長安當面背面塵孤客緇衣素衣色結交有何意要識公與卿  
蹙蹙騎短驢翻來馬猙獠馬長驢短墜溝下睨人玉鞭鞭

玉馬投刺多逢謁者嗤  
入門反被官奴罵  
廡桐爲琴琴有心  
線絲作絃絃有音  
提琴拊絃按宮徵  
不向大雅當誰尋  
羨君文章飛健筆  
愛君詩句無人匹  
若復相尋不相見  
男兒何處投膠漆  
上天一明月照盡  
萬古人人就月照  
安問故與新我有一  
顆珠得自龍王宮  
十年繫衣帶光彩與  
月同試持比月恐  
不及海中長有鮫  
人泣

獨立

獨立在溪橋  
溪聲助寂寥  
夕陽帆背動  
秋色石林驕  
落葉依歸雁  
疏鐘應上潮  
美人天外思  
延望一何遙

舟發閩水至饒陽道中作

路出閩江口  
江流亂似堆  
馬銜秋草去  
船載夕陽來  
石鏡飛天照  
雲門跨水開  
前途猶未止  
一過一徘徊



水路隨山轉行行不厭重  
汭流三百里迢遞幾千峯  
此地尊漁戶秋風老客容  
最憐隔江女江上采芙蓉

閣夜

百尋孤閣郡城東  
簾捲前山一角風  
哀壑有光星在底  
明河無影月臨空  
羣生靜息鴻濛裏  
秋氣森歸耳目中  
不是夜深能獨醒  
海門誰見日初紅

春園夜集遲陶握山不至

林間相約不曾違  
試盡東風白袷衣  
滄海樹低潮暗上  
夕陽煙亂鳥斜歸  
酒當良會謀干盞  
月滿閒園迫四圍  
知己豈能忘此夜  
年來心事對花稀

雒陽

東都遺跡與誰尋  
雒下詞人自古今  
中嶽氣生朝日溼  
黃

河聲應夜鐘深平時玉几升龍卷幾度瑤笙降鶴音無限  
興亡無可說一春閒對牡丹吟

鄴中

漳河流水漫無聲銅雀空留昔日名幾片瓦尋文士蹟一  
邊鴉點夕陽城英雄不護生前短歌舞難忘死後情試望  
西陵松柏裏夜來孤月爲誰明

沈廷文字原衡號元洲秀水人康熙戊辰一甲一名進  
士授修撰有燕邸雜詠北征南歸諸集

顧詩城 鐘 視鹽長蘆

名世持籌豈小匡聲馳三輔控齊梁十年望重臺端柏萬  
竈風翻海上霜路入白河秋水碧樹添紅葉暮山蒼離樽  
記取東籬下聽馬歸時菊又黃

錢以璫字闡行號蔗山嘉善人康熙戊辰進士官至禮

部尙書加太子少保諡恭恪有研雲堂詩

詩話恭恪初宰粵東知茂名東莞兩邑皆有惠政稍遷山右隰州牧修復學宮書院壇廟城垣百廢俱舉入爲刑部郎擢給諫累遷至大宗伯入集諸詩皆爲牧令時作善道民隱纏綿悱惻不減次山在道州時也

望羅浮山長歌

我聞羅浮兩山稱最奇往往風雨爲合離曾傳浮海兩成  
一鐵橋萬丈中聯之奇峯四百三十二芙蓉朵朵青紛披  
遙指飛雲尤峻絕三峯錯立相肩隨麻姑玉女不可辨石  
樓雙峙徒依稀更聞稚川留丹竈土丸遇疾能醫治野人  
黃氏實高弟雞犬上昇何獨遺舊廬傳有瘖虎卧人間游  
戲誰其知石臼猶存千年物咄咄異鳥呼藥師朱明青霞

洞深窅懸泉千尺空中飛山神能遣五色雀遠迎嘉客疑  
相期蝴蝶如輪亦異彩得繭聊當天孫絲更吟東坡松風  
句梅花萬樹情依依美人一去影縹緲師雄清夢無乃癡  
我披圖經豁心意仙凡迴隔長相思晴窗遙睇徘徊久何  
當奮袂探靈芝野人蹤跡或許值願續古樹新題詩

隰州雜感

山氓少機巧所習惟耘耔牛登峻坂力盡敢言疲高原  
無灌溉甘雨賴及時往往春夏間偏苦霖霖遲寒威又獨  
蚤秋半草木衰未及實堅好霜雪摧殘之況乎山地瘠揮  
鋤石纍纍縱令雨暘若未可籌車期我黍餉農夫仰望蒼  
昊慈歲歲大有年庶勿嗟此離

人丁分上下有丁苦無田算緡但計口不問陌與阡當其

催科時比戶最可憐  
土窯一破甌棄之遠播  
遷人去丁不去籍在焉  
得餉鄰里代之輸展轉  
相株連及其歲已久他  
鄉長曾元忽聞踪跡存  
重趸斂丁錢我欲除此  
困稅額防虛懸繪圖思  
鄭俠憫此莞獨先

民居似蜂房穿壁爲營窟  
其外低作垣遙見窗戶列  
老翁負薪歸嶮巖行蹶躓  
少婦遠汲水深澗瓦罌挈  
山坡牧牛羊小心視飲齧  
晨驅驢轉磨晚呼雞棲櫟  
卽此誇富饒其餘蓋藏缺  
豐年穀價賤人仍飽糠菽  
春韭與秋瓜客至乃特設  
風景總蕭條念茲中腸熱  
亟宜噢咻之任詭陽城拙

謁南海神廟

南極開甌駱神祠鎮海天  
祝融尊帝儵朱鳥次宮權  
滂沱乾坤大光華日月旋  
翠旗張貝闕鯨浪息戈船  
離麗文明

會扶胥赫濯先九苞騰鳳嶺八柱翼星躔獅虎高蹲戶蛇

犀伏執鞭

後有蛇犀山

鵬池搏角上魚目漾珠圓禋類同柴望

旂常耀鼎鑄典崇天寶載文紀至和年廟貌丹青古馨香

俎豆專豐碑全籀篆法器半珠蟻佳氣承堯日祥風應舜

絃梯航來恐後鷓鴣貢爭前聖主威靈遠王言翰墨宣多

時收颶母幾處息蛟涎圭璧方壇肅鸞龍匾額懸皇華陳

祝贊典祀潔犧牲碧甃雲生殿雕梁景射磚金題光閃閃

銅鼓震闐闐齋祓摠衣入趨躡執事虔木綿團錦繖孔雀

燦金錢拄笏山難捨乘潮紵漫牽波羅行復把歸棹興悠

然

### 固關道中

空山夜半聽村雞肅肅征鞍直指西誰鑿五丁千仞壁忽

封三晉一九泥危崖側足防蛇跡密箐垂鞭刺馬蹶呼吸  
嶺頭通帝座問天應不藉丹梯

彭始搏字直上號方洲鄧州人康熙戊辰進士改庶吉

士授檢討歷官內閣學士兼禮部侍郎有方洲集

詩話禹峯諸子彬彬有文譽方洲仕最顯視學兩浙  
景陵獎其公明晚以歸葬遂不復出葛巾布衣杜

門卻軌詩癡  
灑如其爲人

雨中泛昆明池

西山環翠一帆懸自有清音激管絃塔影雙浮雲外竦玉  
華樓映水中天蠻王織罽酬題句洞主檳榔索綵箋不比  
升庵了髻樣畫裙爭寫竹枝篇

查昇字仲韋號聲山海甯人康熙戊辰進士改庶吉士  
授編修歷官少詹事有澹遠堂集

詩話康熙間南書房擬詔旨得參與機務地望清切時論遂以南書房爲爭地共事者往往猜嫌媢嫉自韓文懿後聲山最蒙聖祖眷注力推挽後進無爭心然卒爲爭者所困詩詞書法四六皆擅長書數董文敏尤爲聖祖所賞

訪吳采山不值

秋水乘孤艇沿緣亂葦間時看黃葉落境共白鷗閒林影溪邊屋鐘聲雲外山故人今不見月出棹歌還

八里莊

斷井冰膠汲水痕炊煙三兩不成村客嫌南語呼難應門對西風火不溫白月荒途深夜柝黃沙野菜雜蔬盆耳邊俄覺秋濤卷卧聽鶯駘齧草根

孫致彌字愷似號松坪嘉定人康熙戊辰進士改庶吉士授編修歷官侍讀學士有杖左堂集



詩話松坪康熙初在太學已負才名己未  
 后上諭禮成頌詔朝鮮特命假二品服為副使使還  
 上朝鮮采風錄大又有為之地者頌繫經年始得白再  
 連染坐逮獄馮定遠題其集曰蠶吐五采雙雙玉  
 遷官卒於京邸馮定遠題其集曰蠶吐五采雙雙玉  
 童樹覆寶蓋清談梵宮蓋用曹娥碑例謂絕好宋詩  
 然松坪自言從劉隨州劉文房二家入集中七言律  
 婉麗諧暢雅近二劉他體跌宕流逸出入唐宋諸大  
 家非專用宋法也

江行雜詩

一舸淹晨夕平沙艤落曛江潮晴擁月山火夜燒雲黑想  
 蛟涎出腥愁虎氣聞明朝牽百丈回首白鷗羣

同駿思大年訪華天御先生

蒲帆片片帶斜暉路轉蒹葭興不違白露為霜楓欲脫澄  
 江如練雁初飛滄桑廿載衣冠在猿鶴三年事業非回首  
 悲笳驚日暮新亭風景一沾衣

同介修孟游集元夫園居

朱絃寥落賞音微，尊酒論心靜掩扉。  
遮莫文章借齒頰，底須愁病減腰圍。  
馱馱七日堪千里，始一飛醉拂吳鉤。  
談轉劇主人忘送客忘歸。

沈宗敬字恪庭號獅峯江南華亭人康熙戊辰進士歷

官太常寺少卿

詩話獅峯爲釋堂宗伯子兩世以文翰受知仁廟  
官翰林時南巡獻所繪山水賜清風蘭雪額又進呈  
紀恩詩及琴辨畫品二說召見行在  
命鼓琴御書煙嵐高曠四字賜之

由吾谷小徑登望海墩

危磴回看萬點紅，欲行且止意何窮。  
憑高莫定雙眸界，陟險才容一徑通。  
海氣蒼茫吞遠岫，雁行離合叫長空。  
林間可有蘇門嘯，欲訪幽人到梵宮。

寶克勤字敏修號靜菴柘城人康熙戊辰進士改庶吉

士授檢討

詩話靜菴爲睢州弟子恪守師法初爲泌陽教諭倣白鹿洞規立五社教諸生勸善規過又立童子社少者讀孝經小學稍長讀五經性理人皆興起既通籍乞假歸於郭東立書院優游訓迪學者稱寶柘城云

耿嵩陽先生邀同劉子維郭渭石耿孝標游龍潭

攜手中林去潭看第幾重懸崖流日影飛瀑潤嵩峯雷雨時交至煙霞忽半封山中多變化疑是護潛龍

赴劉子維約同郭渭石劉孟元游少林晚宿法王寺透迤嶽下共徘徊次第登臨一徑開寺護荒煙鄰虎窟潭浮肅氣近龍臺青山暮影隨波轉白雪高吟愛月來爲叩僧門聊一問紅塵何處是蓬萊

陳大章字雨山號仲夔黃岡人康熙戊辰進士改庶吉

士有玉照亭詩鈔鉤輦傲帚諸集

詩話雨山入詞館卽乞歸養母肆力詩古文辭才思敏贍與王西澗齊名稱陳王嘗撰詩傳名物輯覽百卷旁徵博引極爲繁富摘錄十二卷改題集覽付梓

九江夜泊

解帆及夕陽繫舟傍枯柳天低九派流浪抱孤城走奇峯  
插斗南雄勢壓江右雲中五老人見我時招手靜夜冷魚  
龍古戍沈刁斗敲枕不成眠且飲潯陽酒

登小姑山

蜀江萬里浮鴻濛洞庭勢挾彭蠡雄小姑突起插天半百  
川砥柱爲之東磴道虛無動寒色漁舟一葉傍絕壁蛟鼉  
正晝吼風霾泱泱孤雲天地白參差樓觀麗朝霞繡鞏珠  
箔顏如花陰巖咫尺蓄雷雨怪樹千歲盤龍蛇吳楚雄關

此第一折戟沈沙莽蕭瑟凭欄決背倚半酣盡捲乾坤入  
詩筆隔江清靄有彭郎銀河帶水遙相望舟師招手聞絕  
叫急趁南風過馬當

熊襄愍公墓

鈎黨何荼酷危關迄戰爭有誰支一木空自壞長城萬古  
萋宏血深山董相塋攬衣頻下拜無淚灑荒荆

罷崗歸田後囊頭對嶽辭孤忠傳異代野史記當時事與  
水雲逝名同日月垂夕陽孤照外猶樹大明碑

史申義字蕉飲江都人康熙戊辰進士改庶吉士授編

修歷官禮科給事中有蕪城使演過江諸集

詩話蕉飲年十五作瓊花霜鐘諸賦入縣庠與同里  
顧圖河書宣以詩相攻錯稱維揚二妙後及漁洋之  
門與湯右會西厓稱王門二弟子在詞館及聖祖以  
後進詩人謔澤州相國舉蕉飲及周起渭桐塋又稱

二人詩抽思深宵結體  
清高有朱絃疏越之致

禹州

塵點征衫一月程朝涼忽覺馬蹏輕  
潁川風滿釣臺驛嵩少雲遮上棘城  
路入舞陽山不斷田分犂櫟水常清  
獨憐朱邸笙歌歇帝子宮牆蔓草生

鎮甯

古木安莊極眺平麗譙風捲戍旗聲  
塔山秋草連原野放馬斜陽十二營

盤江

盤江一曲來烏巒湍迅直過七星關  
匯支百粵入南海包纏尾灑流灣環者卜河深  
氣候暝冬葉不落楊那山菖蒲芭蕉同一綠  
楓香橘熟紅爛爛沿江雨氣隔霧縠諸嶺秀

色拖煙鬢笏輿鴉軋度山麓輕衫軟履憐厖屣温磨想及  
春三月明鏡江流飛白鷗

哈馬莊

羊腸百曲路高低江上愁心聽馬嘶斜鞚金鞭那忍下亂  
山容易蹶霜躡

懷查夏重

笑指君山一髮青明湖容易見春星思伊月黑寥天句能

使湘江泣百靈

月黑寥天夜有光  
君洞庭湖中詩

吳暉字元朗太倉人康熙戊辰進士授戶部主事歷官

兵科給事中有西齋集

陳說巖曰元朗承先人之緒戊辰對策萬言超然獨  
異子在內閣元朗以曹郎考選科道官上問此眾人  
中有知者否廷敬奏言吳暉有文詩名最盛是日試  
奏議果第一授給事中亡何以酒會細故落職上惜

其才命修書及分書得書畫譜同時被命者侍郎孫君樹峯中丞宋君堅齋學士王君麓臺給諫王君耳谿皆雅重元朗雖以諸公蒐羅編撰之勤將元朗尤

書考夕稽黹脂繼昏殫精積瘁為書百齋將呈進遭

太夫人故歸卒以孝死沈歸愚曰西齋為

梅村令嗣工於詩筆近體清穩尤稱雅音

詩話西齋集十卷乾隆辛卯沈沃田後序云以會勘

銓司陳某夔臧既訊得實而陳誣以挾嫌列奏生免

官案此卽康熙四十四年王原王銓劾陳汝弼事廷

訊陳汝弼雖未受賄但有錯用黃鍾之處已經革職

無庸議將原審三法司堂司官分別議處澤州序言

酒會細故所未詳也集中鹿樵感舊六十韻備述梅

村出處本末乙酉詩注云時以竹籠蒸御書西岳廟

碑袞工云火焙後翰墨千年不落又言是日召入暢

春苑命畫清溪書屏風祭酒夙以畫名給諫紹其

世業也過拂水山莊題亭林集二詩從別裁集補錄

歸愚以和東海尚書洞庭山居後二首誤列贈王將

謂疏謬矣

禮部觀樂歌丙寅冬至前一日禮部莽式尙書左右

向坐堂之下金鼓雜作少焉陳百戲於庭執紅編

竹器狀如小箕而左右向者數人騎而被甲載兵



手旌旋弓矢之屬者入人戴赤色假而披黑羊裘  
 橫刀而前者五六人進退止齊如戰陣然已而騎  
 者勝橫刀者敗執鐵獻醜如受俘然既退復有綵  
 色戎衣持一險竿而趨者一人隨而騰身踈踈往  
 來如飛者數人訊之堂吏曰此高麗筋斗法也又  
 有二童子各首戴資益口銜一小竹杖上下俯仰  
 以竹叩盆鏗然可聽凡其所為悅心誠目之狀不  
 可勝紀頌之本部梨園子弟上堂奏伎彷彿似元  
 人院本之類曲終二人揜袖起舞動搖頓挫皆按  
 節拍與堂右一人歌嗚嗚之聲相應視之則服紫  
 貂而東向者也子既得從都人之後往觀斯  
 樂退乃作詩紀之庶後之君子有所傳信焉

黃花十月罷冬狩天門萬乘爭飛揚朱鞞側目海青倦鷹  
 人夜閉天鷲房大庖充盈從臣醉紫駝出釜燒黃羊由茲  
 三冬例修讎玉階奔走儀曹郎數人執旄導且立中權後  
 勁參顏行三聲威栗攢鼓動松山干騎驕騰驤颺如陷陳  
 蔽原野歡如獲醜獻廟廊虎臣稽首秬卣賜綠沈赤葆交  
 旗槍須臾參差手技入高麗筋斗各鬪強錦鞞絳味往來

便翻身如電搖朱光花鬢頭戴口銜竹翻覆不墜聲鏗鏘  
清商別部更前奏曲終爲樂歌泱泱公卿揜袖起且舞銀  
貂垂手紛低昂回旋頓挫巧伸縮睥睨驚座鬚眉張君不  
見太平天子盛明德合歡舞樂登于堂以雅以南不僭簪  
朱離韎任都陳將何如今日四海一優曇花下披雲章春  
官檔子拜手紀治世之樂誰相方

和振西贈王將軍紫厓

九尺鬚眉七十身眼中遺老更何人將軍競病詩無敵弟  
子丹青筆有神談笑尙能開霹靂太平不復畫麒麟酒酣  
拔劍聽君語爲感窮途意自親

題徐太僕遺象

金璫禍國歎荆榛只爲鬚眉不計身四海清流眞直節五

朝舊德老遺民獨先元禮彈常侍共幸林宗免黨人畫象

吳中前事在團溪好寫白紗巾

世傳吳中先賢畫象一卷

詠野航齋前所蓄白鷺雛

少小煙波掠葦叢霜衣曾伴杜陵翁甯貪金闕三霄露卻

背江湖萬里風靜看梳翎添檻碧有時翹足映花紅舍人

宅裏相憐惜生長俱同水國中

題顧亭林遺集和汪安公編修

野哭東風學采薇纍臣白首尙單衣江山有恨憂天醉草

木無情長地肥避吏趙岐誰共語離家王粲不思歸祇餘

帷蓋蘭臺舊萬卷淒涼辨是非

席上贈張穉昭

相府蓮歌樂府春清尊檀板話窮塵誰傳天寶淒涼曲柳

市當年舊玉人

花前葉底貢聲新  
夢斷昭華玉殿塵  
記得雲間歌第一  
貞元朝士已無人

丁棠發字燕公號卓峯晚號一餐居士嘉善人康熙戊辰進士由知縣歷官京畿道監察御史

憶揚州

煙花佳麗古揚州  
隋帝行宮跡尙留  
錦纜船歸楊柳岸  
玉臺花發廣陵秋  
中宵明月聞歌吹  
十里珠簾捲畫樓  
油壁香車虛客夢  
爲言小杜未曾游

高玠字荆襄柘城人康熙戊辰進士由中書歷官山東

道監察御史

詩話荆襄以請建儲諭從軍十三言官之一也居塞下六年始放還講學文正書院爲一時學者所宗

送李侍郎

紫禁星霜四十年，峻嶒玉骨自珊珊。粗宣臣力酬明主，乞放閒身作散仙。四海名流多避席，中朝耆舊半隨肩。何人最有臨歧恨，曾辱恩知未第前。

唐孫華字實君，太倉人。康熙戊辰進士，官吏部主事。有

東江詩鈔

詩話實君勵志博聞，中年即歸田，壽至九十餘。詩尚質實不苟，為華藻嘗戲詠門神，一時爭傳。和歸愚議為專取鱗爪信然。

閒居寫懷

屈伸固有命，秋毫非人功。三世不徙官，執戟老揚雄。苟爽起布衣，百日至三公。猿臂終數奇，李蔡本下中。方壯既悼顏，皓首仍悲馮。世有巧而躓，亦或拙而通。憂喜塞翁馬，得

失楚人弓時命苟不諧不如安固窮

讀梅村先生鹿樵紀聞有感題長句

一旅誰知扼紫荆  
蝴蝶塘聒耳至紛爭  
腹書競伏狐鳴火  
手蔗頻驚鶴唳兵  
直待臨危思翦牧  
可應先事戮韓彭  
石頭袁粲真堪惜  
自壞邊關萬里城

董思凝字養齋號石帆平原人康熙戊辰進士歷官直隸口北道參議有海棠巢小草准行草

金魚池

垂楊疏影繞晴沙  
魚藻池連十萬家  
望裏波光看不盡  
谿煙都上野棠花

東昌道中

輕風五兩此經行  
曲岸停舟夜火明  
落日樓臺臨遠水中

宵鼓角起巖城射書人去碑常在洗耳風高俗尙清聞道  
園林多勝概柳塘桃塢樵歌聲

過宿遷值河水泛決夾河皆成巨浸行百餘里始入

新河卽景有作

年年憂河決六月浪深時已逐魚龍怒還生禾稼悲雨來  
帆影重風急樵聲遲曾識麻姑語桑田會有期

蔡秉公字去私號雨田南昌人康熙戊辰進士歷官台  
州知府有留餘草

山塘驛次壁間韻

攀條老淚墜天涯悵望雲端白鹿車山好幾疑身入畫日  
斜遙指店爲家緣村桐樹垂黃實繞澗藤梢落紫花地僻  
莫嫌迎送少眼前風景不須賒

寓普賢寺邀八大山人小飲

薄暮招攜聽鳥聲樓頭鐘鼓未須驚水雲坐我渾如夢鬢  
髮催人太不情寫興久輸詩伯健低頭殊愧野翁清十年  
蹤迹衣塵滿此際相看眼倍明

馮璽字敬南號竹窗代州人康熙戊辰進士由中書歷

官南甯同知有芋甯堂詩草

詩話敬南精研經史旁及百家與萬斯同孔尚任李  
攀王源相與論學期徵諸實用居官有政績粵撫彭  
鵬特疏薦之會遭父憂既免喪  
卒於京邸年未四十時論惜之

甲戌守歲

歲去不復留將焉用守爲辟如東逝水滔滔信所之雖欲  
挽之歸一寸不可移把酒強相守屢問夜何其星宿漸零  
落今歲忽已辭明歲視今歲才爲一日期但恐日復日毛



髮暗中衰夜窗冉冉明澹日生寒姿一年遂已添吾生亦有涯

明發懷二人游子隔鄉縣團圞諸弟姊昨夜夢中見似爲念遠人悽愴雜歡宴離魂入杳渺微茫不可辨白雲千里飛舒卷如匹練歲月高堂增塵土一身賤颯颯空庭風打窗起積霰

四時相代新一身守其故時乎不再來高坐歲已暮膝下數孺子頭角漸云露賦詩知節物題符染毫素放假足歡娛各從性所務我欲從之嬉拘牽羞舉措功名感歲華奔走寡歡趣總角曾幾時去我忽如鶩

詠懷

凜凜巖下風槭槭澗邊樹慘慘游子顏萋萋芳草渡曖曖

遠村影黯黯夕陽暮昔爲貴公子今日怨行路路長不可  
極人生如朝露

送張伯史下第歸

故人不得意歸卧故山岑夜靜一尊酒月明千里心君今  
任放達余亦愛浮沈去矣長安道孤雲何處尋  
騁才時倚馬著論或經年解道工無益猶矜賦必傳自甘  
蒙鷄笑未肯受虻憐最惜斯文意蒼茫落日縣  
學道將十載榮枯已兩忘但愁無薄祿何以慰高堂慘淡  
交朋淚風塵客子裝誰能吹黍谷一爲變春陽

榮河訪梅蒞園明府

山回隔縣門路曲傍沙痕野水明殘日孤煙生遠村旅遊  
消白晝古道怯黃昏且就汾陰宰今宵醉一尊

衡陽路

我家雁門下與雁俱南來今日衡陽路雁回人未回

陶自悅字心兌號艾圃武進人康熙戊辰進士歷官澤

州知州有亦樂堂詩草

詩話艾圃工制藝與韓慕廬齊名聞於景陵召入都  
以病乞歸亦樂堂詩寥寥二十餘篇音旨清越多  
可取者蓋以遜庵父子爲師友詩格亦與南田爲近  
前人選輯卒未之及也

秋夜

秋夜夜未長勞人斂衿禴徙倚坐空堂  
宵與精靈會落月下河梁  
白雲互如帶飛螢立草頭  
嘖蟹半橋外對此懷百憂  
驚魂逐浮芥慘愴念同生  
蕭寥邈先派咄哉歲月流  
心迹絕谿介須臾雞復鳴  
瞳矐露猶靄身世亮若斯  
艱難歎徒慨

寄懷中表唐四弟致堯

歲晏芳草歇日夕沈湖陰萋萋雲彌渚肅肅風動林北窗  
既止酒東園且罷琴偶然謝援羨願言懷賞心賞心何處  
所迢遙限南城平原我搖蕩新豐子滯淫襟期豁蓬戶分  
理安華楹伯倫醉悠悠茂倫醒崎嶇紛務罕酬對元賞遂  
兼并縹緗畫束閣墨牀夜凝塵素心渺秋水妙響流瓶笙  
秋水瓶笙皆  
唐家軒館也布算輒忘恚聽歌忽霑襟不知白日逝詎憶  
高臺傾燧火轉林木寒蟬散秋岑秦王苦服藥漢帝樂長  
生金莖露泥泥璇房日沈沈馳驟隙中駒飄搖風裏鏡君  
子厥儲待小人困飛騰形骸守寥廓志願徒崢嶸榮名豈  
足期得意良有任長歌歡友報引領佇瑤音

贈玉度

秦雲一夜飛千尺，藥欄膩葉蟠空碧。  
神娥嘆雨下巫陽，瑤瑟泠泠萬山澈。  
我有新愁隔湘浦，市南曲陌逢蔣詡。  
陌頭楊柳驕含煙，長條拂面思當年。  
停杯月射黃金匣，橫笛風吹白玉鞭。  
此日逢迎何草草，自倚紅顏長美好。  
子雲獻賦入長安，我卧空山惜花鳥。  
海石塵飛桂水深，江郎已老虬卿貧。  
三徑落花愁暮雲，南山瀉影迴空村。  
村口梅風飄燕麥，春酌沈沈永今夕。  
莫將心事問三秦，茂陵柏掃千尋壁。  
迷魂沈沈歸不得，茶蘼香深月華白。  
南方佳人誰第一，領袖風流君獨絕。  
辟穀孤游張子房，聽笳高嘯劉越石。  
雲去天空成暫隔，龍池夢斷山陰雪。  
陸家兄弟青雲客，與君結交重心骨。  
呼來與君共倒金錯杯，我亦爲君高歌狂叫生。  
風雷臨觴不醉君，何來

贈暉子正叔

我昔渡江來與君隔吳越君今渡江來與我去咫尺咫尺  
咫尺不相見江濤拍天雨腳亂道無行車泥沒骭君折江  
蘼當薇蕨我抱青箱營束帛井底雙龍枯欲死羝羊觸藩  
那可出楚雲蜀月空消息五嶽崢嶸起胸臆酒酣叫五虛  
百萬恣一擲甯投白璧贈青蠅不惜黃金買駿骨喜君來  
遲君久飲君酒握君手愛君知君情獨苦懷抱欲吐不得  
吐空山昨夜弔蟋蟀江上何人妒鸚鵡我有朱絃琴爲君  
鼓再行越音淒微不可聽故都煙樹空冥冥楚歌激越驚  
鬼神坐客掩耳心屏營漫漫長夜雞不鳴天寒日暮離愁  
深贈君芙蓉花芙蓉慘無色贈君楊柳枝楊柳不堪折我  
有匣中龍一雄復一雌與君結佩相扶持躍水變化會有

時

奉寄孫先生

蘇門長嘯後誰復識孫登齒礪南山石心枯北海僧百年  
閒鶴立千里困龍騰卻羨平湖雁冥冥巧避矰

十一月朔江上贈惲生兼呈張子

仙人騎鶴渡江來卻望南山蒼蔚開何待呼龍種朱草袖  
中雲氣是蓬萊

吳綾百幅老朱顏壯志空令物外閒辟穀何年辭帝子采  
芝今日見商山

清齋不爲學長生長跪高堂獻芋羹歌罷采薇人尙少肯  
因龍卧老躬耕

陶元淳字子師常熟人康熙己未舉博學鴻詞未與試

戊辰進士官廣東昌化知縣有南崖集

詩話子師廷試對策力言均賦時稱剴切及官瓊海小邑行清丈祿積弊有浮糧請蠲不可後其子正靖官諫垣疏陳竟得請焉國史列入循吏在官強項性大吏詩中有云況復勞心腸子拙敢云流涕賈生才又云徼外山河逢客醉心頭鐵石向人寒具見生平節概

臬使劉公枉書惠存詩以志感

一官萬里尹蒿萊幾個生前歸去來況復勞心腸子拙敢云流涕賈生才晴消瘴霧千山淨春到蠻花滿地開從此不愁風土異生還終望我公哀

和唐張謂韻

道路非難作吏難一洲鰲背立郊壇人言瓊管曾開府我道囚山合挂冠萬里親知春夢斷一生事業暮潮寒新恩已是投荒處卻望新恩福地看



如此窮途欲進難朝天漫上越王壇踞高不合伸強項逐  
裸何須岸大冠徼外山河逢客醉心頭鐵石向人寒長安  
日下猶言遠窮海孤臣那得看

趙俞字文饒嘉定人康熙戊辰進士官定陶知縣有緝

寒亭詩集

沈歸愚曰文饒詩體靈敏之中神和  
自在不失陳黃門之遺是爲正聲

舟行晚過青浦

孤篷秋氣入此夕客心驚露白浩無際蟲吟併一聲塔隨  
帆影走潮湧月輪行磔磔城烏起譙樓已二更

候官陳省齋編修自遼左入都率爾投贈

才名弱歲冠羣賢豈料遭逢坎壈纏陷賊曾修衣帶表投  
荒竟謫夜郎天君恩衰白全要領物論雌黃待簡編蘇李

於今皆返國細將心迹訴當年

彭無山給諫自河工召復原官喜而有作

三年薄宦卧江干鳴鳳今朝刷羽翰暫屈鄴侯參幕佐忽  
宣唐介拜原官重來寰海皆傾聽一入朝廷便改觀漢室  
淮陽終不召須知納諫古今難

沈佳字昭嗣錢塘人康熙戊辰進士官安化知縣有復  
齋詩集

春雨寄王子

南山終日沈煙霧卷簾忘卻湖中樹野鳥爭喧沙岸旁行  
人醉失溪邊路渡頭楊柳已增悲遙憐楚客重相思白雲  
湖上銜杯日爲憶春風花落時

宿陳氏山齋

夜色涼侵簟蕭然四壁陰短牆猶月色虛竹有龍吟雲臥  
耽幽徑天清空梵音惟餘元勝理習靜對遙岑

荒荒山氣白澹澹水增波野曠漁燈暗林深鳥語多傳杯  
依石磴高詠藉青莎飛動平生意攄懷任嘯歌

陸寅字冠周錢塘人康熙戊辰進士

詩話冠周麗京子麗京坐史獄得免棄家出游冠周  
行求得之迎以歸居數年復出游冠周徧訪終不復  
遇竹垞爲作零丁以寄哀  
慕幽憂畢生未就銓除

秋日憶家大人粵游

又見秋風動蘆花江渚飛忍看時序變猶與老親違遠信  
無他語深情祇望歸應憐揮手日兒女共牽衣

自笑

自笑桑弧志天涯只布衣到家翻是客逆旅豈如歸白日

從愁盡青山入夢非緘書與僮僕爲掃釣魚磯

李璩字剛主號恕谷蠡縣人康熙庚午舉人官通州學

正從祀孔廟

詩話恕谷四歲父孝憲先生日授孝經古詩及內則  
少儀祖素先翁彎小弓引之學射既冠從習齋游習  
齋嘗教以學曲禮自二十三歲立一歲常儀功終身不  
輟嘗絕糧作嗟哉行有云男兒號貧本非人但視高  
堂淚如珠然外爲足食狀不令孝憲知也作大學辨  
業言物卽大司徒之三物言格物卽學禮樂射御  
書數之物與萬季論經史及聲韻季野習禮樂射御  
日晤恕谷日俱如先生言天下惟先生與下走耳王  
崑繩西行留詩有云李子生蠡吾懿訓本家承師傳  
得絕學一洗羣言空三物以爲緯四教以爲經不言  
爲修齊卽此造平成乾坤劃開豁日月森精銳俯仰  
千古間儒術何夢夢恕谷七十五歲病篤遺詩云情  
識劫年運足傷北邙山下月生光九京若遇賢師友  
可易方

牛善長公郎入國學

五公山下授遺箋，長著征西第一鞭。更看阿戎賓上國，猿公飛劍晚霜天。

酬倪允懋因步其韻

自從鄒叟沒，誰復定一是。明明承儒統，隱隱已偏倚。沿流至南宋，朱陸皆禪喜。語錄徒增加，乾坤莫經理。神州遂陸沈，無人責諸己。習齋痛覆轍，披古懷芳軌。天人自負荷，明親竟端委。瀟陋步其後，衰老憂頽靡。忽從宦海中，聞聲懷彼美。目電四存編，神傾北楊里。千山萬壑人，搗來共踐履。謂子非故爾，正學原如此。願告偕同人，卓立洗所恥。新春桃李妍，聖道從茲起。三復貺我吟，把臂情何已。

仲冬三日雪同余光若飲燧侯齋

何意鋪銀海，同來問酒泉。始知若下里，不數歲寒年。白眼

天同調青樽主更憐支離老叟話猶說義熙前

陳遇夫字廷際號交甫廣東新甯人康熙庚午舉人雍

正元年舉孝廉方正有涉需堂集

詩話交甫領解首以垂老遂不謁選潔身砥行淹貫  
載籍撰正學續述漢唐諸儒統緒相承未嘗中絕重  
訂白沙年譜明其學由博反約非關禪悟子瀚本深  
甲午復領解首性至孝取予一介不苟克承其教

桐洲雜詩

遠俗宜吾道移家住水村估帆朝逐市漁火夜過門風靜

微留岸潮歸淺出源小洲行處有隨意築新園

久坐翻成倦穿林出水隈寒雲陰欲合疏雨去還來地託

鷓鴣足天寬樗櫟材滑泥妨客過魚鳥共徘徊

西圃連平野編籬作蔽牆疏桐方向暝密竹未成行四面

漁樵入經年風雨狂漸看春意好花發讀書堂

月身集言目夕口一ノ  
寸心無限事筆札豈能傳月上行吟處雲生水檻前滄浪  
花惜鬢索莫酒忘眠莫作相如賦無人換一錢

江門晚泊

江門春水晚來風一望微茫向遠空幾夕波濤驚客夢十  
年滄海老漁翁潮生厓島遙天白雲散疏林野火紅賴有  
醉鄉風日好一尊長卧月明中

李永昇字志南號青郊蘄州人康熙庚午舉人有若臆

村詩集

游東山寺

數里招提路崎嶇不易尋山隨黃葉亂寺共白雲深世界  
煙霞外諸天鐘磬沈何因登寶地信宿戀株林

陳載華字仙掌號咫園益陽人康熙庚午武舉官洞庭

于總有復齋詩集

遣興

筍長宜新雨蘭香沁曉風微吟春色外寄興酒杯中鶴化  
悲丁令鷗閒逐海翁山間容我老時自課兒童

楊名時字賓實江陰人康熙辛未進士改庶吉士授檢  
討官至禮部尙書贈太子太傅諡文定有楊文定集

瀛洲亭秋夜讀書

盛代崇文地離離起鳳鳴尊經羅墳典開館延豪英秋色  
入庭宇槐風日夜清請業瞻人範休居樂友聲欣茲作人  
澤敢忘稽古情旁搜愜心賞默識探其精抗懷在千載微  
音聊可賡嚮晦萬感息羣動寂無營素節兼靜候道機日  
以生壁空門不掩時見孤月明



安溪夫子示留別之作輒賦鄙言呈誨

邃古斯文啟聖作垂爲經尼山手修定炳然陳日星理非  
由外鑠期復性踐形深慈拯迷沒振鐸使之醒邈邈漢唐  
來名儒亦挺出見本未刊枝猶爲後賢黜榮華限小成與  
聖固異術卓哉濂洛興標末悉芟銓靜虛而敬直心學相  
授述靈鍾闢嶠閒哲人後先匹接跡五百餘宗盟罔替佚  
脈絡得真傳精微或超逸六籍撥沈翳百家匯爲一源自  
崑崙注環混無淪汨浩然沛九垓卷之藏於密淵乎夫子  
心誰與嗣音者知之悵已艱允蹈怯尤寡小子亟沿洄躡  
躡類駑馬自茲痛懲艾圖新舊云舍抗志懷明哲努力崇  
大雅勿塞涓涓流涼躡任譏野脈爾守心箴長希入聖治  
高山望豈賒一仰一傾寫

豐澤園御試論賦蒙賜飲饌仰聆訓誨恭紀

聖代文明盛薰風禁籟開溫綸宣玉闕綵仗莅仙臺捧日  
彈冠慶承恩珥筆陪榮光浮太液瑞靄接蓬萊漾楫清荷  
裏維舟翠荻隈華班佳樹下珍膳御廚來散步通璇圃環  
池藉繡苔香分天祿札文待孟堅才湛露霑天澤需雲挹  
帝杯爐煙臨水泛苑鳥隔花催納卷勞詢問隨人賜翦裁  
重聞申異命竊幸荷深培顧分彌知惕捫衷敢自猜抒誠  
盟夙夕秉訓凜昭回永戒虛僞習期殫樛櫟材皇仁踰海  
嶽何以效涓埃

陳鵬年字北溟號滄洲湘潭人康熙辛未進士官至江

南河道總督諡恪勤有滄洲詩集

詩話恪勤奮起孤寒壹意爲廉直吏初令浙之西安  
白烈婦徐寬有能聲遂甯張文端督南河疏薦移宰

山陽遷牧海州守江甯所至輿利除弊懲姦雪枉民  
 爭頌之南市樓者故明十四樓之一格勤撤法之更  
 為堂宣講聖諭總督阿山惡其疆項據此事以大不  
 敬論劾景陵督噶禮格勤游虎邱賦詩噶禮傳會以江  
 甯又忤總督噶禮格勤游虎邱賦詩噶禮傳會以江  
 甯又忤總督噶禮格勤游虎邱賦詩噶禮傳會以江  
 講劄景陵傳示近臣斥為誣妄復以修書召再出  
 為肅昌道命佐文端治河尋授河督景陵上賓感  
 慟遺疾卒官詩以沈鬱頓挫抑揚排蕩見長蓋得於  
 工部為多

李客山見過投詩次來韻

蟋蟀吟前除鷓鴣鳴夕陽聞君采芙蓉辛苦涉秋江秋江  
 不可際沐浴休此堂俯視白日速仰見浮雲蒼清機理瑤  
 詠尊酒聊慨慷感茲千古情前期渺茫茫  
 伊余旅琳宮客歲寒方沍及此屆金商月瑄已十度茲豈  
 無故然天地有成數憂患苟不歷誰能辨甘苦顧慚鶩鈍  
 姿厲此松柏固片言勸余心馨香擬蘭杜

壬辰仲冬費滋衡江服懿林中山蘇梅仙枉集寓齋  
用海日生殘夜江春入舊年爲韻分得生入二字  
窮冬在深谷寂寞懷友生豈期江上帆遂此山中山中  
何所有濁酒陳糲羹同心四五人懷抱各相傾明月從東  
來霜露皓已盈甯知夜將半瑤琴轉淒清臣罪則當誅天  
王荷聖明文章固小技珍重同璜珩自非堯舜時難免世  
網嬰小人貴苟全君子畏令名鷗盟慎儔侶各立以屏營  
費江名下士灑落富篇什況有林與蘇高狂每相及獨笑  
老陳髯蟲魚徒摭拾丹房靜無事良朋偶然集山高眾籟  
肅帝座可呼吸酒闌步山椒遙青若拱揖念茲鐵甕城兵  
農素和輯萬井鎖寒煙日暮軍聲入東南控滄海丞徒在  
嫻習近聞樓船軍奔鯨吼山立仍勞至尊願冠蓋交馳急

揚子盛帆檣瀟湘憶蓑笠安得趁東風細雨春船溼

月華山歌爲梁道士作

我昔看山到京口郭璞墳前灑杯酒揚子渡頭爭渡急不  
使焦山落吾手廿年宦海吳越游天驪之乘沙棠舟元規  
障塵滿天地蓬壺那得尋丹邱去年長夏凡再至停橈一  
上江天寺江波漣漣鳴向人手板腰圍汗流漬深秋奉檄  
馳江千快遂初衣返釣竿黃茅雨溼鷓鴣叫欲歸不歸行  
路難南冠驅迫何息遽遙指月華最深處四時羈絆五六  
人暫借丹房度朝暮丹房老子人姓梁雙瞳炯炯眉髮黃  
盡日低頭弄柔翰一生古貌游羲皇深山窮谷君合止胡  
爲混跡紅塵裏爲言咫尺卽瀛洲試看天吳移海水仙人  
自昔好樓居我亦蒲團坐碧虛寫罷黃庭夢靈對手招老

鶴眠遽廬月華之山山色好俯視羣山揖蒼昊兒時住此  
今白頭銀杏丰栽成合抱月華之山高嵯峨三海面浮  
髻螺下瞰魚龍等么麼興來賭盡山陰鵝屈指今年纔六  
十故舊兒孫且雲集好貯麟脯泛流霞不採芝肪煮白石  
酌君酒祝君篇我茲與爾非少年人生三萬六千日但得  
長閒不羨仙

題王石谷山水

突兀見山山不移雲光樹影搖參差平橋跨壑幾千尺橋  
下水聲無已時溪北溪南路如綫來往騎行彷彿見谷靜  
雲深人不知萬松獨鎖空王殿別構精廬杳靄間干盤鳥  
道難躋攀有路纔通避秦客無錢得買支公山作此者誰  
石谷子筆補造化真奇詭坐卧十日滄洲髣游仙只住青

冥裏

兩割肉行爲新安汪節婦壽

婦吳氏值闖變舅病瘡割左臂肉以進病霍然

賊圍村聞孝婦事輒解去夫死揚州櫬歸以不獲從死割右臂肉以薦松明山其所居也

松明孝婦兩臂枯刀痕濺血雙模糊一救阿翁一奠夫肌

膚剖盡形容癯翁病不瘳夫不起兒命雖存頃刻耳捐軀

不得且割身一盞羹湯盡生死鬼神夜泣天爲愁病者旋

愈死已休祇今七十獲遐福壽考百歲焉能酬臂瘢夜寒

老淚溼階下兒孫早林立拖青曳紫共扶持笑口聊開錦

堂集君不見當時松明村倉卒盜賊如雲屯一聞孝婦卽

卻走鄉閭無恙雞犬存此事流傳咸歎息立懦廉頑本奇

特世上豈無梟獍與窮奇解道平人不如賊

新春雜感次韻和中山

鐵甕城邊路金焦江上山蛟螭蟠地軸豺虎亂天關皎日  
羣陰散春風十畝閒煙雲儼圖畫蠟屐好躋攀

漫興

秋氣漸蕭瑟連宵風雨聲庭虛山果墜砌冷候蟲鳴倦眼  
依殘帙端居對短檠歸舟姜被隔知近武昌城

兒歸依叔父好去問重闈但說君恩重休煩老淚揮從師  
仍適遠多難在知幾不用徒酸鼻長途正授衣

冬春如過隙秋老尙羈棲久暫吾何擇榮枯理亦齊裹糧  
師白石行藥想丹梯日話黃冠侶三茅近弗迷

客從故鄉至爲我理瑤琴流水本無意高雲若有心朔風  
吹早雁落葉下疏林之子不歸去衡山空自深

庭階秋色好映日正殷紅頗賴扶持力其如造化工醜顏



醒復醉嫩葉老還童最愛斜陽裏紛披並菊叢

江干

愁雲毒霧鎖江干院落沈沈晝景寒  
豹虎千重森鐵甕宵  
霄何日下金竿迢遙肺石呼難徹  
寂寞丹心淚已乾  
蟻蝨  
一身天萬里仍依北極望長安

院名北極閣

與許謹齋都諫夜話

琪樹琳宮鎖寂寥逢君燒燭坐寒宵  
三春華髮棲江表五  
夜丹心戀聖朝禁闈似聞還讜直  
湖山自合老漁樵  
鯉魚  
風裏桃花水共聽南徐早晚潮

移寓城南草堂紀興

北堂遙隔楚雲西遠近浮槎理亦齊  
豈有園官供菜把仍  
催穉子樹雞棲  
寄奴井在泉湛汲丁卯橋荒路不迷  
比似

成都留杜老居人指是浣花溪

虎邱

雲艇松龕閣歲時廿年蹤跡鳥魚知春風再掃生公石落  
照仍銜短簿祠雨後萬松全還匝雲中雙塔半迷離夕佳  
亭上憑闌處紅葉青山繞夢思

塵鞅刪除半嚮閒青鞋布襪也看山離宮路出雲霄上法  
駕春留紫翠間代謝已憐金氣盡再來偏笑石頭頑棟花  
風後游人歇一任鷗盟數往還

黃叔琳字崑圃宛平人康熙辛未一甲三名進士授編  
修官至吏部侍郎重宴瓊林

送孫文博之雲南省觀

此去行歌陟帖詩短長亭外柳如絲雨過山驛雞鳴竹風

耳具名言卷之四 一  
送江程猷挂枝花下迎親依曉署尊前憶弟夢春池可能  
裁得相思錦六六紅鱗寄莫遲

景日珍字東暘登封人康熙辛未進士授知縣行取御  
史官至禮部侍郎有嵩厓集

途中夏旱

馬倦嘶長道搖鞭入紫霞  
遠天疏斷樹落日盡荒沙  
野鳥翻林影村童掘草芽  
何當風雨至旅夜說農家

貽內

雨過山城曉園花次第開  
遙知明月夜猶自倚妝臺  
客鯉催鄉夢新衣照舊裁  
高堂如獻壽爲我著斑萊

閻錫爵字荊州固始人康熙辛未進士改庶吉士授檢  
討歷官侍讀學士有師婁堂詩藁

詩話荊州天性豪邁爲詩抒寫性情不求工字句而自合矩度爲靜海屬文格公所重自讀書中祕歷官禁近屢掌文衡凡山川風土古今掌故多見之篇中措身後搜集不完多所散佚

贈粟

麥黃雨洗白晴乾，麩黑苦斗不滿十錢價。輕賤如土里長，下鄉來豨獮過猛虎茅屋。居中坐探懷出催簿，指簿呼姓名不啻奴與虜。小心奉殷勤，酒食猶帶怒。謂自入公門多年，識規矩非由上官差。誰敢問花戶，昨日蒙鈞帖上插飛毛羽。嚴行提經承郡縣，難作主急索春夏糧。期限不過五，東南西北鄉奔波。酸兩股片刻何有停，四處相討取離家。連今朝明歸恰當午，聞言耽時光遲挨亦何補。耕地須輪租向誰訴，貧窶圈有子母牛大小聽客估。月上深醉行咆哮，動村塢去去莫重來。家家欲懸釜，聞君旋井開只恐遭。

其侮情知不可留聊贈粟一庾

海波

怪天不合生水多藏匿蛟龍挾風波尋常聚族如雞伏造  
次凌空變妖魔震雷掣電日月昏倒海移山禽獸尊得時  
兩鼈戲高岸失地松楸泣斷魂鳳毛五色差堪舉驥蹏干  
里何由奔神堯當之亦微予肯使匪類長兒孫吁嗟蠢動  
自取滅誅盡殺完覺轉拙明珠珊瑚莫浪求淵底卧熟泥  
蟠穴密網鉅鈎乍浮沈大小骨肉驚吐舌一自搜索往來  
頻吞聲涕淚幾斗血藏身百慮目長盱無聊走險成下愚  
揚鬚鼓鬣揮利爪興雲作霧奮微軀豈能敢與天爲仇不  
過苟延活斯須崇有山卑有泉各得其所應帖然置膏烈  
火空熬煎

送公安令許于磐

高陵南望碧波流但見公安水上浮  
青草蛙鳴騎馬路夕陽客渡釣魚舟  
凌風白鳥臨前浦向日紅蕖映晚樓  
怪道神仙來吏隱更于何地覓瀛洲

張曾慶字子餘華州人康熙辛未進士  
改庶吉士授編修  
歷官侍講

自城內移居東谿

亂後居難定秋深念轉生  
翻書存杜老問卜少君平  
落日孤村暗荒煙萬樹橫  
匣中埋劍氣鬱鬱向誰鳴

陳汝咸字莘學號悔廬鄞縣人康熙辛未進士  
改庶吉士授知縣歷官大理寺少卿有心齋集

曉渡沂水

朦朧斜月曙星殘藥餌和丸當早餐曉色漸分人影亂風聲未到客衣寒虺虺疲馬愁霜滑約略溪橋怯路難何日故園茅舍穩閉門高卧日三竿

胡潤字河九一字京蒙號良園江夏人康熙辛未進士

改庶吉士授編修歷官庶子有懷蘇堂集

游黃庭觀

戊子寓衡山德地方有事嶽廟山中千年老松並伐無餘而奉行墾荒下吏督責過嚴民無聊賴相率逃亡感而爲此

我游黃庭風景暮拄杖登危無好遇怪見千夫伐老松州郡督郵走無數龍麟短檝送飛巖鳳羽長梢委散霧攬身直上飛仙石下見龍潭鬱吼怒老龍奮髯亦何爲昨夜雷聲雨驟注千畝萬竇爭一門不見潺湲有旁赴聞道山靈擁百脈吮澗汲巖歸此路神物難悅轉生噴憑高噴沫傾

一吐排山倒海勢莫當千里聞聲悚百懼臨流倚杖正太  
息俄頃陰雲復四布初看蒼狗呵祝融次第諸山一氣銷  
游氛霧淞迷人來對眼不能辨近樹走避山房兩腳傾芒  
屨倒足皆失措雷電高岡倍有權風雨荒山益生怖中夜  
起坐畏霹靂天威在手儻一誤又恐巨靈挈山逃乾坤老  
腐將安厝轉笑黃庭成夢游許身魏媪得無忤逝將去此  
適何鄉滿目淒涼對泥塑

送魯留耕回新城

司業辭承明雲霄生快羽短翮望高搏誰與量天步諸生  
叩馬留截鞭苦不悟口賦三宜休焉能爲君住廣受不出  
東都門到今可有漢家傳漢家供帳幾醉醒夕陽回首夢  
送寤



贈朱廣文

別後因貧仕相逢感索居官從文字冷跡與宦情疏旅食  
驚新稻秋風憶舊蔬有親皆白髮對我煮江魚

賦得閒居少鄰並

江流汨汨草萋萋地闊天長景不齊儘可朝蓑漁楚澤還  
能晚飯煮青泥扶桑總轡江天渺崑閩揚音鳥嶼迷轉信  
吾生同甕馱茫茫何處出醯雞

冉覲祖字永光號蟬庵中牟人康熙辛未進士改庶吉

士授檢討有寄願堂詩集

詩話蟬庵潛心正學初領解耿逸庵延主嵩陽書院  
既通籍乞假歸張清恪方官京師其邑中築請見書  
院聘蟬庵兼領說經重席著錄干  
入中州理學之傳自茲益廣矣

庵居

結茅就僻境盤曲下平地啟牖納日暄抱膝可假寐入春  
尙凝寒屋頭餘雪積擁爐寡朋儔折梅代把臂案書與瓶  
花間雜無行次抽書惟信手看花亦隨意書到賞心時花  
香忽入鼻欣然有至樂舉觴得一醉醉醒總自適脫屣遺  
名利爲語風塵客誰能領此致

啟母石

大造產奇石鎮古植於此如何好事者指爲塗山氏禹也  
神聖啟也賢事蹟分明垂經史異說紛紛徒浪傳堪供一  
笑而已矣我來盤膝坐石陰石上題詩難徧視白石斑駁  
成黛色立卧合看應相似聞說前峯洞壑幽逸興飄飄振  
衣起北上層巒一縱目莽莽山川自流峙

和吳肱良中秋無月之作

高人相並玉壺清造物無端妒月明  
藜杖有神吹夜火霓裳何處度新聲  
蕭森雨氣凌窗入繚繞雲煙掠樹行  
縱飲雄談眞勝事庾樓得似此時情

張瑗字遽若祁門人康熙辛未進士改庶吉士授編修

歷官江南通道監察御史有寶廉堂集

詩話遽若冠南宮入詞館遷諫議巡城見碧雲寺後有魏忠賢墓疏請毀之誅奸諛於旣死一時稱快事疏述墓碑備載官階並著其字曰完吾碑後刻孝官孝孫等六七十人彼時未存一二拓本此曹乃不得遺臭考古者蓋猶有憾焉

剗毀魏忠賢墓紀事詩

彰瘝表天道誅賞昭王綱伊誰實職之蘭臺橫秋霜道惟  
鋤奸迹庶以全善良奉命咨民事巡察思激揚攬轡出郭  
門陟睇西山岡廬舍匝阡陌各各營農桑厥俗一以樸民

氣尤悅康榛莽化蘭蕙無復嗥虎狼尋憩古佛刹紺碧何  
輝煌背負諸墓碣壘壘如北邙更是碧雲寺封樹皆貂璫  
魏奄豕踰制陵園相頡頏穹碑矗霄漢長松繚垣牆以彼  
稔凶惡萬死烏足償搏噬縱鷹犬湯鑊烹鸞鳳天地盡冥  
晦白日無輝光古多內侍禍茲禍踰漢唐國步倏輓腕社  
稷旋淪亡彼身已寸磔墓胡留山陽父老切齒言豎黨皆  
兒郎以其生前壙樹之爲幽堂惜無勇敢士培之使其僵  
我聞髮上指冠衝心激昂及此不錐薙無乃忤蒼蒼繕疏  
請明旨聖德奮乾剛碑仆墓亦毀狐兔將安藏堯舜除四  
凶海宇稱平章誅惡及勝國來者心自臧巖壑煎穢濁草  
木回芬芳聊以佐史筆憲紀于焉張

惠周暢字元龍吳縣人康熙辛未進士官密雲知縣有

### 硯溪詩集

沈歸愚曰硯溪先生受業於堯峯汪氏故詩格每兼唐宋然皆自出新意風神轉佳生平邃於經學貫穿

歌淡亦不第以

詩家品目之

松崖而精傳緒甚遠硯溪含茹經籍詩筆秀采天成前人以花浮小瓊三投酒乳發深爐七品茶稱其典雅集中長律類此多可誦者樸學工詩殆罕其匹

### 贈傅青主先生

元晏去幾時釋勸久不作先生繼其蹤大義動寥廓弱冠便恢宏深湛鄙曲學羸然一布衣開口笑管樂偶然頌佳句完月天河濯翰墨更淋漓交莖互拏攫人間得片紙寶愛過金錯誰能盡卿材區區乃糟粕維昔天頤洞黨禍熾毒蠹吁嗟袁使君無罪嬰木索賈彪一西行正議奪謠詠歸來默無言抱影竄邱壑家貧意彌安身老志愈懃荷篠

先春耕腰鎌待秋穫烏健驅一具史傳挂兩角欣然足平

生俛仰幸不忤何圖天網張縱獠到山澤廣韻藥鐸二部無澤字韻會作

達各反漢書天文志格 督罟捐鳳凰籠置羣鳥雀敦迫使

就途搆無一錢橐飢寒引百病侵淫及腰腳不堪蹠蹕行

穴板卧纏縛沈痾勢延綿蘆酒御不軟至尊問起居宰相

給醫藥遺之不言謝問之徒諾諾我時客京師朱門絕芒

屨一心欽英風比日請尤數先生爲我起意色都不惡吐

口一開懷片言得大略山泉本來清不受盥漱濁浮雲或

到地竦竦卽高擢文舉置西園仲御亦詣洛從來賢達流

通道恥齷齪當今瑚璉姿先後照臺閣俄然獲寶鼎光彩

半剝落摩挲意已厭那用富杯杓莫歎歸無時故山行可

約

玉竦橋望西山秋爽

苑水明於天秋山送遙碧蒼然石橋上空翠撲巾幘香餘  
殘荷風涼引新桐色蔚藍冒晴巒淡沲映斜日林表生孤  
煙雲邊數歸翻淡焉謝塵鷲身在藐姑射

夜坐有懷

青天如澄江片月初洗出草光露離離樹影風瑟瑟寒更  
夜點疏驚羽孤飛疾惆悵不成眠懷人坐終夕

同侯大年用楊鐵厓韻作歌

新煙著柳天濛濛黃鶯深坐嘯東風野人何爲帝城裏祇  
唱吳歌弄春水水邊半掩誰家門暗香吹送湘娥裙回身  
踏破蓮花步庠車載上山頭墓碧雲滿天人不來我今且  
醉葡萄杯玉露沈沈凍銀盃清歌歷歷催牙板亞字闌干

日又西閒思往事作新題蓬萊借得三足使去問揚州橋  
廿四如花玉女擘花箋供寫儂家白紵篇

寄湯西厓

綠酒待明月碧雲期美人一從江南別三見梨花春有客  
昨夜至誦君佳句新不知懷舊作曾否到松筠

別查夏重

五載不相見見君猶布衣恩恩還作別草草不成歸柳色  
侵江過梅花入路飛孤帆那忍發鄉月正依依

題姜西溟洞庭秋望圖

萬頃淪漪上行行何所之爲看青嶂出因與白鷗期曉露  
零楓葉清江怨竹枝試將蕭颯意入浦問漁師

欲訪鴟夷子還尋桑苧翁斯人渺何所極浦遠空濛出沒



看孤棹參差數去鴻微吟向天末吹斷野蓮風

詠史

似說天書下紫宸築宮養贍聚流民壺飡那得移諸邑木  
酪會聞活幾人肯與再生猶有策若毆爲盜豈無因公田  
租挈年年重且議寬征事撫循

入關有詔勿苛留鄉部紛紛更有求民死豈關官長事歲  
饑空使廟堂憂簡田比日災爲甚報政今年課最優遠近  
庶司無失職欲從何處問侵牟

斤竹嶺

鳥道盤空一綫懸杖藜徐步出層巔雲埋半嶺疑無地石  
壓孤峯欲蔽天廢寺草長時見鹿深林徑絕但聞泉野人  
好事真癡絕別蘇題詩記歲年

泛曹娥江

晴天倒瀉落篷窗  
風碎羅紋漾碧幢  
兩岸青山雲斷續  
層紅葉醉秋江

題畫鷹

獨石黃花古戍樓  
角鷹睇目睇高秋  
紛挐燕雀運無賴  
那得遲回不下鞦

閻詠字復申江南山陽籍太原人舉人官內閣中書有

左汾近藁

詩話左汾百詩子能文章善刻印漁洋跋其印譜謂左汾文章妙一世游藝篆刻不肯屈曲以趨時好而推古是師其於文章亦猶是矣藝云乎哉

和王阮亭少司馬西城別墅十二詠 錄二

石帆亭

挂席趁長風轉瞬千萬里卻疑凝立者終古常如此片影  
落尊前何辨遠與邇

半傷閣

廊廟與山林彼此了無異何以空去聲諸緣惟心持半傷月  
色上方高恍悟第一義

寄顧山容學士

自笑臂鷹手還爲書榜人雕蟲原小技刻葉亦非春君故  
凌雲筆余今隨路塵吾家所欣賞君出從父今嘉興守之門倍與阿咸  
親

談經正字復齋遠安人舉人官福建知縣有山中吟出

山小草

飲酒作

平生興在酒往往歡相持所遇輒成醉勸酌兩不辭劃然  
天地開六合照心脾榮辱共譽毀紛紛久所遺古人亦已  
死來者知爲誰悠悠萬古心崢嶸並鬚眉

屋漏

茅堂亦已朽霍雨更相延菌耳生頽棟苔衣上古椽移牀  
如避地敲枕自窺天陋巷栖遲日蕭條恐未然

張增字子晉宛平人舉人官寶應知縣有抑庵詩選

高堰立秋

晶晶秋光水上過微茫樹影下陂陀地連吳楚湍瀾闊天  
入淮揚風雨多沙際漸看飛鶴鷺湖心猶自走鼉鼉清霜  
白露霑衰草蕭瑟應迴萬里波

九日感懷

不減登高興  
頻年與世違  
灘荒紅樹少  
野曠白鷗稀  
送酒人何往  
題餽事已非  
川原紛倚薄  
獨坐竟忘歸

晚晴移詩匯卷四十九終